



07217

文獻通考卷第八

鄱陽馬端臨

貴

心

著

錢幣考一

歷代錢幣之制

自太皞以來則有錢矣太皞氏高陽氏謂之金有熊氏高辛氏謂之貨陶唐氏謂之泉商人齊人謂之布齊人莒人謂之刀

神農列廛於國以聚貨帛日中為市以交有無虞夏商之幣金為三品或黃或白或赤或錢或布或刀或龜貝管子曰湯七年旱禹五年水人之無饘章延反有賣

文獻通考

卷八

錢幣

一

子者湯以莊山之金鑄幣而贖人之無饘賣子者禹以歷山之金鑄幣以救人之困夫玉起於禺音虞氏金

起於汝漢珠起於赤墜東西南北去周七八千里水

絕壤斷舟車不能通為其途之遠其至之難故託用

於其重以珠玉為上幣以黃金為中幣以刀布為下

幣三幣握之則非有補於煖也食之則非有補於飽

也先王以守財物以御人事而平天下也是以命之

曰衡衡者使物一高一下不得有調也若五穀與萬物平則人無

其利故設上中下幣而行輕重之衡使一高一下乃可權制利門悉歸於上

周制以商通貨以賈易物太公又立九府圜法周官有太府玉



府內府外府泉府天府職內職幣職金皆掌財幣之官故云九府圖謂均而通也 黃金方寸而

重一斤錢圓函方外圓而內孔方輕重以銖黃金以斤為名布錢以銖為重也布

帛廣二尺二寸為幅長四丈為疋故貨寶於金利於刀

流於泉流行如泉布於布布於民間束於帛束聚也周官司市國凶

荒札喪則市無征而作布凶年物貴置錢以饒民

夾漈鄭氏曰謂之泉者言其形謂之金者言其質

謂之刀者言其器謂之貨謂之布者言其用古文

錢字作泉者言其形如泉文一變而為刀器再變

而為圜法即太公所作自圜法流通於世民實便之故

泉與刀為廢後人不曉其謂也觀古錢其形即篆

文獻通考

卷八

錢幣

二

泉文也後世代以錢字故泉之文借為泉水之泉

其實泉之篆文下體不從水也先儒不知本末因

謂流於泉布於布寶於金利於刀此皆沿鑿之義

也

外府掌邦布之入出以共百物而待邦之用凡有法者

布泉也有法百官之公用也共王及后世子之衣服之用凡祭祀賓

客喪紀會同軍旅共其財用之幣齎賜子之財齎行道之財用

也凡邦之小用皆受焉歲終則會唯王及后之服不會

泉府掌以市之征布斂市之不售貨之滯於民用者以

其賈買之物揭而書之以待不時而買者買者各從其

抵都鄙從其主國人郊人從其有司然後予之

抵故賈也主者

別治大夫也康成謂抵本也本謂所屬吏主有司是也

凡賒者祭祀無過旬日喪

紀無過三月凡民之貸者與其有司辯而授之以國服

爲之息鄭司屬謂以其所賈之國所出爲息也假令其國出絲絮則以絲絮償出綿葛則以綿葛償康

成謂以其於國服事之稅爲息也於國事受園廛之田而貸萬泉者則券出息五百凡國事之財

用取具焉歲終則會其出入而納其餘

按周禮主財之官雖多而專掌錢布則惟外府玉

府二官外府掌齎賜之出入泉府掌買賣之出入

自王介甫以鄭注國服爲息之說行青苗誤天下

而後儒之解此語者或以息爲生息之息或以息

文獻通考

卷八

錢幣

三

爲休息之息然於義皆無所當蓋古人創泉布之

本意實取其流通緣貨則或滯於民用而錢則無

所不通而泉府一官最爲便民滯則買之不時而

欲買者則賣之無力者則賒貸與之蓋先王視民

如子洞察其隱微而多方濟其缺乏仁政莫尙於

此初非專爲謀利取息設也不原其立官之本意

而勦其一語以斷天下大事可乎

買之於方滯之時賣之於欲買之際此與常平賤

糴貴糶之意同泉府則以錢易貨常平則以錢易

粟其本意皆以利民非謀利也然後世常平之法

轉而爲和糴且以其所儲他用而不以濟民則惟恐其數之不多利之不羨於是亦以理財之法視之矣

周景王二十一年患錢輕更鑄大錢徑一寸二分重十二銖文曰大泉五十肉好皆有周郭以勸農贍不足

王將鑄大錢單穆公曰不可古者天災降戾於是乎量資幣權輕重以賑救民民患輕則爲作重幣以行

之幣輕物貴也於是乎有母權子而行民皆得焉重曰母輕曰子

相權並行也若不堪重則多作輕而行之亦不廢重於是

乎有子權母而行大小利之民患幣重則多作輕錢而行之亦不廢去重者

文獻通考

卷八

錢幣

四

言重者行其貴輕者行其賤今王廢輕而作重民失其資能無匱

乎若匱王用將有所乏之則將厚取於民民不給將

有遠志是離民也且夫有備未至而設之有至而後

救之是不相入也可先而不備謂之急可後而先之

謂之召災且絕民用以實王府猶塞川原而爲潢汙

也其竭無日矣王弗聽

楚莊王以爲幣重更以小爲大百姓不便皆去其業

孫叔敖爲相市令言於相曰市亂人莫安其處行不

定叔敖白於王遂令復如故而百姓乃安

秦兼天下幣爲二等黃金鎰爲名上幣二十兩爲鎰改周一斤之制更

以鑑爲金之名數也高祖初賜張良金百鑑此尙銅錢

秦制也上幣者二等之中黃金爲上而錢爲下也

質如周錢文曰半兩重如其文而珠玉龜貝銀錫之屬

爲器飾寶藏不爲幣然各隨時而輕重無常

漢興以爲秦錢重難用更令民鑄莢錢如榆莢也 莢音頗黃金

一斤復周之制更以斤名金而不軌逐利之民畜積餘贏以稽市

物踊騰躍稽貯滿也言以其贏餘之財畜積羣貨使物甚騰躍也米至石萬錢馬

至匹百金

高后二年行八銖錢即秦半兩錢也漢初患其重更鑄榆莢人患太甚故復行此

六年行五分錢即莢錢

文帝五年爲錢益多而輕乃更鑄四銖錢其文爲半兩

文獻通考卷八 錢幣 五

除盜鑄錢使民放鑄

賈誼諫曰法使天下公得顧租鑄銅錫爲錢取雜以

沿鐵爲他巧者其罪黥顧租謂雇傭之直或租其本然鑄錢之情

非肴雜爲巧則不可得贏而肴之甚微爲利甚厚夫

事有召禍而法有起姦今令細民人操造幣之勢各

隱屏而鑄作因欲禁其厚利微姦雖黥罪日報其勢

不止乃者民抵罪多者一縣百數及吏之所疑榜笞

奔走者甚衆夫縣法以誘民使入陷穽孰積於此曩

禁鑄錢死罪積下言死罪多委積於下今公鑄錢黥罪積下爲

法若此上何賴焉又民用錢郡縣不同或用輕錢百

加若干

時錢重四銖法錢百枚當重一斤十六銖輕則以錢足之若干枚令滿平也

或用

重錢平稱不受

秦錢重半兩漢初鑄英錢文帝更鑄四銖錢秦錢與英錢皆當廢而故與

重錢雖以一當一猶復不受之是以州縣不同也

錢不立

法錢依法之錢也

吏急而壹之乎則大為煩苛而力

不能勝縱而弗呵乎則市肆異用錢文大亂苟非其

術何鄉而可哉今農事棄捐而采銅者日蕃釋其耒

耜冶鎔吹炭姦錢日多五穀不為多善人怵而為姦

邪愿民陷而之刑戮刑戮將甚不詳奈何而忽國知

患此吏議必曰禁之禁之不得其術其傷必大令禁

鑄錢則錢必重重則其利深盜鑄如雲而起棄市之

文獻通考

卷六

錢幣

罪又不足以禁矣姦數不勝而法禁數潰銅使之然

也故銅布於天下其為禍博矣今博禍可除而七福

可致也何謂七福上收銅勿令布則民不鑄錢黥罪

不積一矣偽錢不蕃民不相疑二矣采銅鑄作者反

於耕田三矣銅畢歸於上上挾銅積以御輕重錢輕

則以術斂之重則以術散之貨物必平四矣以作兵

器以假貴臣多少有制用別貴賤五矣以臨萬貨以

調盈虛以收奇羨則官富實而未民困六矣制吾棄

財以與匈奴逐爭其民則敵必懷七矣故善為天下

者因禍而為福轉敗而為功今久退七福而行博禍

臣誠傷之上不從

是時吳以諸侯卽山鑄錢富埒天子後卒叛逆鄧通以鑄錢財過王者故吳鄧錢布天下

賈山上書諫以爲錢者無用器也而可以易富貴富貴者人主之操柄也令民爲之是與人主共操柄不可長也 其後復禁鑄錢

景帝中六年定鑄錢僞黃金棄市律

人有告鄧通盜出徼外鑄錢下吏驗問頗有遂竟案盡沒之

武帝建元元年行三銖錢

壞四銖造此也重如其文

文獻通考

卷八

錢幣

七

五年罷三銖錢行半兩錢自孝文更造四銖錢至元狩四年四十餘年從建元以來用少縣官往往多卽銅山而鑄錢民亦盜鑄不可勝數錢益多而輕物益少而貴有司言曰今半兩錢法重四銖而姦或盜磨錢質而取銖銖銅屑也錢益輕薄而物貴則遠方用幣煩費不省乃令縣官銷半兩錢更鑄三銖錢重如其文其明年有司言三銖錢輕輕錢易作姦詐乃更請郡國鑄五銖周郭其實令不得磨錢取銖

元狩四年造白金及皮幣

時縣官大空而富商賈或滯財役貧轉穀數百冶鑄

鬻鹽財或累萬金而不佐公家之急黎民重困於是天子與公卿議更造錢幣以贍用時禁苑有白鹿而少府多銀錫有司言曰古者皮幣諸侯以聘享金有三等黃金爲上白金爲中赤金爲下今半兩錢法重四銖而姦或盜磨錢質而取鉛錢益輕薄而物貴則遠方用幣煩費不省今以白鹿皮方尺緣以續爲皮幣直四十萬王侯宗室朝覲享必以皮幣薦璧然後得行又造銀錫白金以爲天用莫如龍地用莫如馬人用莫如龜故曰金三品其一曰重八兩圓之其文龍名白撰直三千二曰以重差小方之其文馬直五

文獻通考

卷八

錢幣

八

百三曰復小隋之

隋下而長

其文龜直三百

一重八兩則二重六兩三

重四兩

其後官鑄赤灰白金稍賤民弗寶用縣官以令

禁之無益歲餘終廢不行白造白金五銖錢後五歲而赦吏民之坐盜鑄金錢死者數十萬人其不發覺相殺者不可勝計赦自出者百餘萬人然不能半白出天下大抵無慮皆鑄金錢矣犯法衆吏不能盡誅於是遣博士褚大徐偃等分行郡國舉并兼之徒守相爲利者劾之

時張湯用事帝與湯造白鹿皮幣以問大司農顏異對曰今王侯朝賀以蒼璧直數千而皮薦反四十萬

本末不相稱上不悅湯奏異腹誅坐死

元鼎二年令京師鑄官赤仄

時郡國鑄錢而民多姦鑄錢多輕而公卿請令京師鑄官赤仄

以赤銅爲其郭也

一當五賦官用非赤仄不得行

其後二茂赤仄錢賤民巧法用之不便又廢於是悉禁郡國毋鑄錢專令上林三官鑄錢既多而令天下非三官錢不得行諸郡國前所鑄錢皆廢銷之輸入其銅三官而民之鑄錢益少計其費不能相當唯真工大姦乃盜爲之

元帝時貢禹言鑄錢採銅一歲十萬人不耕民坐盜鑄

文獻通考

卷八

錢幣

九

陷刑者多富人藏錢滿室猶無厭足民心動搖桑本逐末耕者不能半姦邪不可禁原起於錢疾其末者絕其本宜罷採珠玉金銀鑄錢之官毋復以爲幣除其販賣租銖之律

租銖謂計其所賣物價平其銖銖而收租也

租稅祿賜皆以布帛

及穀使百姓一意農桑議者以爲交易待錢布帛不可尺寸分裂禹議亦寢

師丹傳有上書言古者以龜貝爲貨今以錢易之民以故貧宜可改幣上以問丹丹對言可改章下有司議皆以爲行錢以來久難卒變易

自孝武元狩五年三官初鑄五銖錢至平帝元始中成

錢二百八十億萬餘云

石林葉氏曰漢書王嘉傳元帝時都內錢四十萬萬水衡錢一十五萬萬少府錢十八萬萬言其多也以今計之纔八百三十萬貫耳不足以當權貨務盛時一歲之入蓋漢時錢極重而幣輕穀價甚賤時至斛五錢耿壽昌以穀賤傷農建常平之議其年斛五錢故嘉言是時外戚貲千萬者少正使有千萬亦是今一萬貫中下戶皆有之漢律丞相大司馬大將軍月俸六萬乃今六十貫御史大夫四萬而大將軍米月三百五十斛下至佐史秩百石猶月八斛有奇其賜臣下黃金每百斤二百斤小亦三十斤雖燕王劉澤以諸侯賜田生金亦二百斤梁孝王死有金四十餘萬斤幣輕故米賤金多近世患國用不足以爲錢少故夾錫當十等交具卒未嘗有補蓋錢之多寡繫幣之輕重不在鼓鑄廣狹也

又曰如魏文侯相李悝言一夫治田百畝畝收粟一石半爲粟百五十石一夫五口人月食一石半百畝之入以其十五石爲稅九十石爲食餘四十石石錢三十計錢千三百五十而社閭嘗新春秋之祠只用錢三百而其餘錢以爲五口之衣人

率用錢三百五十人終歲用千五百則固不嫌錢之

少也然正使幣輕亦何至是蓋日用猶不滿一錢

不知何以爲生

王莽居攝變漢制以周錢有子母相權於是更造大錢

徑寸二分重十二銖文曰大錢五十又造契刀錯刀契

刀其環如大錢身形如刀長二寸文曰契刀五百錯刀

以黃金錯其文曰一刀直五十張晏曰按今所見契刀錯刀形質如大錢而內

好輪厚異於此大錢形如大刀環矣契刀身形異不長

二寸也其文左曰契右曰刀無五百字也錯刀則刻之

作字也以黃金填其文上曰一下曰刀二刀泉甚不與

志相應也似丸單差錯文字磨滅故耳師古曰張說非

也王莽錢刀今並尙在與五銖錢凡四品並行

文獻通考

卷八

錢幣

七

莽卽真以爲書劉字有金刀乃罷錯刀契刀及五銖錢

而更作金銀龜貝錢布之品名曰寶貨小錢徑六分重

一銖文曰小錢直一次七分三銖曰么錢一十么小次也

八分五銖曰幼錢二十次九分七銖曰中錢三十次一

寸九銖曰壯錢四十因前大錢五十是爲錢貨六品直

各如其文黃金重一斤直錢萬朱提銀重八兩爲一流

直一千五百八十朱提縣名屬犍爲出善銀朱音殊提字音上支反他銀一流

直千是爲銀貨二品元龜岨冉長尺二寸岨至也度背

兩邊緣尺直二千一百六十爲大貝十朋兩貝爲朋朋直二百一十

六元龜十朋故二公龜九寸直五百爲壯貝十朋侯龜

千一百六十也

七寸以上直三百爲么貝十朋子龜五寸以上直百爲小貝十朋是爲龜寶四品大貝四寸八分以上二枚爲一朋直二百一十六壯貝三寸六分以上二枚爲一朋直五十么貝二寸四分以上二枚爲一朋直三十小貝寸二分以上二枚爲一朋直十不盈寸二分漏度不得爲朋率枚直錢三是爲貝貨五品大布次布第布壯布中布差布厚布幼布么布小布長寸五分重十五銖文曰小布一百自小布以上各相長一分相重一銖文各爲其布名直各加一百上至大布長二寸四分重一兩而直千錢矣是爲布貨十品

文獻通考

卷八

錢幣

三

布亦錢

凡寶貨五物六名二

十八品鑄作錢布皆用銅有以鏈錫

許慎曰鏈銅屬也然則以鏈及雜銅

而爲錢也

文質周郭放漢五銖錢云

依其金銀與他物

雜色不純好龜不盈五寸貝不盈六分皆不得爲寶貨元龜爲蔡非四民所得居有者入太卜受直其後百姓憤亂其貨不行民私以五銖錢市買莽患之下詔敢挾五銖錢者爲惑衆投諸四裔於是農商失業食貨俱廢民涕泣於市道坐賣買田宅奴婢鑄錢抵罪者自公卿大夫至庶人不敢稱數莽知民愁乃但行小錢直一與大錢五十二品竝行龜貝布屬遂廢莽天鳳元年復中下金錢龜貝之貨頗增減其價直而罷大小錢改作貨

布長二寸五分廣一寸首長八分有奇其廣八分其圓好徑二分半足枝長八分間廣二分其文右曰貨左曰布重二十五銖直貨泉二十五貨泉徑一寸重五銖文右曰貨左曰泉枚直一與貨布二品竝行又以大錢行久罷之恐民挾不止乃令民且獨行大錢與新貨泉俱放直一竝行盡六年毋得復挾大錢矣每壹易錢民用破業而大陷刑莽以私鑄錢死及非沮寶貨投四裔犯法者多不可勝行乃更輕其法私鑄作泉布者與妻子沒爲官奴婢吏及比伍知而不舉告與同罪比音頻未反非沮寶貨民罷作一歲吏免官犯者愈衆又五人相坐皆文獻通考

卷八

錢幣

三

沒入郡國檻車鐵鎖傳送長安鍾官

鍾官主鑄錢者

愁苦死者

十六七漢錢舊用五銖自王莽改革百姓皆不便之及公孫述廢銅錢置鐵官鑄錢百姓貨幣不行時童謠曰黃牛白腹五銖當復好事者竊言王莽稱黃述欲繼之故稱白腹五銖漢貨言漢當復并天下世祖建武十六年始行五銖錢天下賴其便

初王莽亂後貨幣雜用布帛金粟建武初馬援在隴西上書言宜如舊鑄五銖錢事下三府三府奏以爲未可許事遂寢及援還從公府求得前奏難十餘條乃隨牒解釋更具表言帝從之

建武時長安鑄錢多姦第五倫爲督鑄錢掾領長安市倫平銓衡正斗斛市無阿枉百姓悅服桓帝時議改鑄大錢劉陶言其不便乃止

時有上書言人以貨輕財薄故致貧困宜改鑄大錢事下四府羣僚及太學能言之士陶上議曰當今之憂不在於貨在於民饑蓋民可百年無貨不可一朝有饑故食爲至急也議者不達農殖之本多言冶鑄之便故欲因緣行詐以賈國利國利將盡取者爭競造鑄之端於是乎生蓋萬人鑄之一人奪之猶不能給况一人鑄之萬人奪之乎夫欲民殷財阜要在止

文獻通考

卷八

錢幣

五

役禁奪則百姓不勞而足陛下欲鑄錢齊貨以救其弊此猶養魚沸鼎之中栖鳥烈火之上水木本魚鳥之所生也用之不時必致焦爛帝乃止不鑄錢靈帝中平三年鑄四出文錢

錢皆四道識者竊言侈虐已甚形象兆見此錢成必四道而去及京師亂錢果流布四海獻帝初平元年鑄小錢

董卓壞五銖錢更鑄小錢悉取洛陽長安銅人鐘虡飛廉銅馬之屬以充鑄故貨賤物貴穀石數萬又錢無倫理文章不使人用

昭烈取蜀鑄直百錢

先主攻劉璋與士衆約若事定府庫百姓孤無取焉
及入成都士庶皆捨干戈赴諸庫藏取寶物軍用不
足備憂之西曹掾劉巴曰此易耳但當鑄直百錢平
諸物價令吏爲官市備從之旬月之間府庫充實文
曰直百亦有勒爲五銖者大小稱兩如一焉竝徑七
分重四銖

魏文帝黃初二年罷五銖錢使百姓以穀帛爲市至明
帝世廢錢穀用旣久人間巧僞漸多競溼穀以要利作
薄絹以爲市雖處以嚴刑不能禁司馬芝等議以爲用

文獻通考

卷八

錢幣

五

錢非徒豐國亦以省刑若更鑄五銖錢則國豐刑省於
是爲便明帝乃立五銖錢

孫權嘉平五年鑄大錢一當五百赤烏元年又鑄當千
錢故呂蒙定荊州孫權賜錢一億錢旣太貴但有空名
人間患之權聞百姓不以爲便省息之鑄爲器物官勿
復出也私家有者竝以輸藏平卑其直勿有所枉
晉用魏五銖錢不聞有所更創

元帝過江用孫氏舊錢輕重雜行大者謂之比輪中者
謂之四文吳興沈充又鑄小錢謂之沈郎錢旣不多
由是稍貴

孝武太元三年詔曰錢國之重寶小人貪利銷壞無已監司當以爲意廣州夷人寶貴銅鼓而州境素不出銅聞官司賈人皆食比輪錢斤兩差重以入廣州貨與夷人鑄鞣作鼓其重爲禁制得者科罪

安帝元興中桓玄輔政議欲廢錢用穀帛朝議以爲不可乃止

孔琳之議曰洪範八政貨爲食次豈不以交易之所資爲用之至要者乎若使百姓用力於爲錢則是妨爲生之業禁之可也今農自務穀工自務器各隸其業何嘗致勤於錢故聖王制無用之貨以通有用之

文獻通考

卷八

錢幣

六

財旣無毀敗之費又省運致之苦此錢所以嗣功龜貝歷代不可廢者也穀帛本充於衣食今分以爲貨則致損甚多又勞毀於商販之手耗棄於割截之用此之謂弊著於目前故鍾繇曰巧僞之人競涇穀以要利制薄絹以充資魏代制以嚴刑弗能禁也是以司馬芝以爲用錢非徒豐國亦所以省刑錢之不用由於兵亂積久用之於廢有由而然漢末是也今旣用而廢之則百姓頓亡其利今旣度天下之穀以周天下之食或倉庫充溢或糧靡斗儲以相資通則貧者仰富致之之道實假於錢一朝斷之便爲棄物是

有錢無糧之人皆坐而饑困此斷之又立弊也且據
今用錢之處不爲貧用穀之處不爲富又人習來久
革之怨惑語曰利不百不易業況又錢便於穀也魏
明帝時錢廢用穀四十年矣以不便於人乃舉朝大
議精才達政之士莫不以宜復用錢下無異情朝無
異論彼尙捨穀帛而用錢足以明穀帛之弊著於已
誠也愚謂救弊之術無取於廢錢朝議多同琳之故
元議不行

前涼張軌太府參軍索輔言於軌曰古以金貝皮幣
爲貨息穀帛量度之耗二漢制五銖錢通易不滯晉
文獻通考

卷八

錢幣

七

太始中河西荒廢遂不用錢裂疋以爲段數縑布旣
壞市易又難徒壞女工不任衣用弊之甚也今中州
雖亂此方全安宜復五銖以濟通變之會軌納之立
制準布用錢錢遂大行人賴其利

宋文帝元嘉七年立錢置法鑄四銖文曰四銖重如其
文

人間頗盜鑄多翦鑿古錢取銅帝甚患之錄尙書江
夏王義恭建議以一大錢當兩以防穿鑿議者多同
之何尙之議曰夫泉貝之興以估貨爲本事在交易
豈假多數數少則幣輕數多則物重多少雖異濟用

不殊況復以一當兩徒崇虛價夫錢之形大小多品直云大錢則未知其格若止於四銖五銖則文皆古篆旣非庸下所識如或漫滅尤難分明公私交亂爭訟必起此最足深疑者也命旨兼慮剪鑿日多以致銷盡鄙意復謂直由糾察不精致使立制以來發覺者寡今雖有懸金之名竟無酬與之實若申明舊科擒獲卽報畏法希賞不日息矣中領軍沈演之以爲晉遷江南疆境未廓或土習其風錢不普用今封略開廣聲教遐暨金縷布冷爰逮邊荒用彌廣而貨愈狹如復競竊剪鑿銷毀滋繁刑雖重禁姦弊方密肆力之氓徒勤不足以供贍誠由貨貴物賤常調未革愚謂若以大錢當兩則國傳難毀之寶家贏一倍之利不俟加憲巧源日絕上從演之議遂以一錢當兩行之經時公私非便乃罷時言事者多以錢貨減少國用不足欲禁私銅以充官鑄五銖范泰又陳曰夫貨存貿易不在多少昔日之貴今日之賤彼此共之其揆一也但今官人均通則無患不足若使必資廣以收國用者則龜貝之屬自古而行銅之爲器在用也博矣鍾律所通者遠機衡所揆者大器有要用則貴賤同資物有適宜則家國共給今毀必資之器而

爲無施之錢於貨則功不補勞在用則君人俱困較之以實損多益少良由階根未固意存遠略伏願思可久之道贖欲速之情則嘉謀日陳聖慮可廣自元嘉中鑄四銖錢輪郭形製與古五銖同價無利百姓不資盜鑄孝武孝建初鑄四銖文曰孝建一邊爲四銖其後稍去四銖專爲孝建

尙書右丞徐爰議曰貨薄人貧公私俱罄不有革造將大乏宜應遵式古典收銅繕鑄納贖刑刑著在往策合宜以銅贖刑隨罪爲品詔可之所鑄錢形式薄小輪郭不成就於是人閒盜鑄者雲起雜以鉛錫竝

文獻通考

卷八

錢幣

七

不牢固又翦鑿古錢以取其銅錢旣轉小稍違官式雖重制嚴刑人吏官長坐罪免者相繫而盜鑄彌甚百物踊貴人患苦之乃立品格薄小無輪郭者悉加禁斷時議者又以銅轉難得欲鑄二銖錢顏峻曰議者將謂官藏空虛宜更改變天下銅少宜減錢式以救災弊賑國弔人愚以爲不然今鑄二銖恣行新細於官無解於乏而人姦巧大興天下之貨將糜碎至盡空立嚴禁而利深難絕不過一二年閒其弊不可復救此其不可一也今鎔鑄獲利不見有頓得一二倍之理縱復得此必待彌年又不可二也人愆大錢

之改兼畏近日新禁市井之間必生紛擾富商得志
貧人困窮又不可三也況又未見其利而衆弊如此
失算當時取謂百代上不聽

廢帝景和二年鑄二銖錢文曰景和形式轉細官錢每
出人閒卽模效之而大小厚薄皆不及也無輪郭不磨
翦鑿者謂之來子謂尤輕薄者謂之荇葉市井通用之
永光元年沈慶之啓通私鑄由是錢貨亂改一千錢長
不盈三寸大小稱此謂之鵝眼錢劣於此者謂之絁環
錢入水不沈隨手破碎市井不復斷數十萬錢不盈一
掬斗米一萬商賈不行

文獻通考

卷八

錢幣

字

明帝太始初唯禁鵝眼絁環其餘皆通用復禁民鑄官
署亦廢工尋又普斷唯用占錢

齊高帝建元四年奉朝請孔凱上書曰三吳國之關
閘比歲被水潦而糴不貴是天下錢少非穀穰賤此
不可不察也鑄錢之弊在輕重屢更重錢患難用而
難用爲無累輕錢弊盜鑄而盜鑄爲禍深人所盜鑄
嚴法不禁者由上鑄錢惜銅愛工也惜銅愛工也者
謂錢無用之器以通交易務欲令輕而數多使省工
而易成不詳慮其患也自漢鑄五銖錢至宋文帝四
百餘年制度有廢興而不變五銖者其輕重可得貨

之宜也以爲開置錢府方督貢金大興鎔鑄錢重五
銖一依漢法府庫以實國用有儲乃量俸祿薄賦稅
則家給人足頃盜鑄新錢者皆效作剪鑿不鑄大錢
也若官錢已布於人使嚴斷剪鑿小輕破缺無周郭
者悉不得行官錢細小者稱合銖兩銷以爲大利貧
良之人塞姦巧之路錢貨既均遠近則一百姓樂業
市道無爭衣食滋殖矣時議者以爲錢貨轉少宜更
廣鑄重其銖兩以防人姦上乃使諸州大市銅上前
乃止 武帝時竟陵王子良上表曰頃錢貴物賤殆
欲兼倍凡在觸類莫不知茲稼穡艱劬斛直數千機
杼勤苦疋纜三百所以然者實亦有由人閒錢多剪
鑿鮮復完者公家所受必須圓大以兩代一困於無
所鞭捶質繫益致無聊

梁初唯京師及三吳荆郢江襄梁益用錢其餘州郡則
雜以穀帛交易交廣之域則全以金銀爲貨

武帝乃鑄錢肉好周郭文曰五銖重四銖三參二黍
其文則重一斤三兩又別鑄除其肉郭謂之公式女
錢徑一寸文曰五銖重如新鑄五銖二品竝行百姓
或私以古錢交易者其五銖徑一寸一分重八銖文
曰五銖三吳屬縣行之女錢徑一寸重五銖無輪郭

郡縣皆通用太平百錢二種竝徑一寸重四銖源流
本一但文字古今之殊耳文竝曰太平百錢定平一
百五銖徑六分重一銖半文曰定平一稚錢五銖徑
一分半重四銖文曰五銖源出於五銖但狹小東境
謂之稚錢五銖錢徑七分半重三銖半文曰五朱源
出稚錢但稍遷異以銖爲朱耳三吳行之差少於餘
錢又有對文錢其原未聞豐貨錢徑一寸重四銖半
代之謂之男錢云婦人佩之卽生男也此等輕重不
一天子煩下詔書非新鑄二種之錢竝不許用而趨
利之徒私用轉甚至普通中乃議盡罷銅錢更鑄鐵
錢人以鐵錢易得竝皆私鑄及大同以後所在鐵錢
遂如邱山物價騰貴交易者以車載錢不復計數而
惟論貫商旅姦詐因之以求利自破嶺以東八十爲
陌名曰東錢江郢以上七十爲陌名曰西錢京師以
九十爲陌名曰長錢大同元年天子乃詔通用足陌
詔下而人不從錢陌益多至末年遂以三十五爲陌
陳初承梁喪亂之後鐵錢不行始梁末又有兩柱錢及
鵝眼錢時人雜用其價同但兩柱重而鵝眼輕私家多
鎔鑄又閒以錫錢兼以粟帛爲貨文帝元嘉五年改鑄
五銖初出一當鵝眼十宣帝大建十一年又鑄大貨六

銖以一當五銖之十與五銖並行後還當一人皆不便
乃相與訛言曰六銖錢有不利縣官之象未幾而帝崩
遂廢六銖而行五銖竟至陳亡其嶺南諸州多以錢米
布交易俱不用錢

後魏初置太和錢貨無所用也

孝文帝始詔天下用錢十九年公鑄粗備文曰泰和五
銖詔京師及諸州鎮皆通行之內外百官祿皆準絹給
錢疋爲錢二百在所遺錢工備鑪冶人有欲鑄就聽鑄
之銅必精鍊無所和雜

宣武帝永平三年冬又鑄五銖錢京師及諸州鎮或不

文獻通考

卷八

錢幣

三

用或有止用古錢不行新錢致商貨不通貿遷頗隔

孝明熙平初尙書令任城王澄上言竊尋太和之錢

孝文畱心創制後與五銖並行此乃不刊之式臣竊
聞之君子行禮不求變俗因其所宜順而致用太和

五銖雖利於京邑之肆所不入徐揚之市

徐今彭城
琅郡地

揚今壽
春郡地

土貨既殊貿鬻亦異便於荆郢之邦者則礙

於兗徐之域

荆今南陽郡地郢今汝南
郡地兗今魯郡東平郡地

致使貧人有

重困之切王道貽隔化之訟臣之愚意謂今之太和

與新鑄五銖及諸古錢方俗所便用者雖有小大之

異竝得通行貴賤之差自依鄉價庶貨環海內公私

無墮其不行之錢及盜鑄毀大爲小僞不如法者據律罪之詔曰錢行已久今東南有事且可依舊澄又奏太和五銖乃大魏之通貨不朽之常模寧可專貨於京邑不行於天下但今戎馬在郊江疆未一東南之州依舊爲便至於京北京邑域內州鎮未用錢處行之則不足爲難塞之則有乖通典何者布帛不可尺寸而裂五穀則有負擔之難錢之爲用貫緡相屬不假斗斛之器不勞稱尺之平濟代之宜便益於此請竝下諸方鎮其太和及新鑄并古錢內外全好者不限大小悉聽行之鵝眼環鑿依律而禁河南州鎮

文獻通考

卷八

錢幣

三

先用錢者既聽依舊不在斷限唯太和五銖二錢得用公造新者其餘雜種一用古錢生新之類普同禁約諸方錢通用京師其聽依舊使與太和錢及新造五銖竝行若盜鑄錢者罪當重憲詔從之而河北諸州舊少錢貨猶以他物交易錢略不入於市二年冬尙書崔亮奏弘農郡銅青谷有銅礦計一斗得銅五兩四銖葦池谷礦一斗得銅五兩鸞帳山礦一斗得銅四兩河內郡王屋山今王屋山縣礦一斗得銅入兩南有青州苑燭山齊州商山竝是往昔銅官舊迹見在謹按鑄錢方興用銅處廣既有冶利竝許開鑄詔從之

自後所行之錢人多私鑄錢稍小薄價用彌賤建初重制盜鑄之禁開糾賞之格

孝莊帝初私鑄者益更薄小乃至風飄水浮米斗幾直一千祕書郎楊侃奏曰臣頃在雍州表陳聽人與官竝鑄五銖錢使人樂爲而俗弊得改旨下尙書八座不許以今況昔爲理不殊求取臣前表經御披析侃乃隨宜剖說帝從之乃鑄五銖錢御史中尉高恭之又奏曰四民之業錢貨爲本救弊改鑄王政所先自頃以來私鑄薄濫官司糾繩挂網非一在今銅價八十一文得銅一斤私造薄錢斤餘二百旣示之以

文獻通考

卷八

錢幣

三五

深利又隨之以重刑得罪者雖多姦鑄者彌衆今錢徒有五銖之文而無二銖之實薄甚榆莢上貫便破置之水上殆欲不沈此乃因循有漸科防不切朝廷失之彼復何罪昔漢文以五分錢小改鑄四銖至孝武復改三銖爲半兩此皆以大易小以重代輕也論今據古宜改鑄大錢文載年號以記其始則一斤所成七十六文銅價至賤五十有餘其中人功食料錫炭鉛沙縱復私營不能自潤直置無利應自息心況復嚴刑廣設以臣測之必當錢貨永通公私獲允後遂用王侃計永安二年秋詔更鑄文曰永安五銖錢

官自立鑪亦聽人就鑄起自九月至三年正月而止
官欲知貴賤乃出藏絹分遣使人於三市賣之絹疋
止錢二百而私市者猶三百利之所在盜鑄彌衆巧
僞既多輕重非一四方州鎮用各不同時鑄錢都督
長史高謙之即高恭之
兄字道讓上表求鑄三銖錢曰蓋錢貨
之立本以通有無便交易故錢之輕重時代不同太
公爲周置九府圜法至景王時更鑄大錢秦兼海內
錢重半兩漢興以秦錢重改鑄莢錢至孝文五年復
爲四銖孝武時悉復銷壞更鑄三銖至元狩中變爲
五銖又造赤仄以一當五王莽攝政錢有六等大錢

文獻通考

卷八

錢幣

三

重十二銖次九銖次七銖次五銖次三銖次一銖魏
文帝罷五銖至明帝復立孫權江左鑄大錢一當五
百權赤烏五年復鑄大錢一當千輕重大小莫不隨
時而變況今寇難未除州郡淪沒人物凋零軍國用
少則鑄小錢可以富益何損於政何妨於人也且政
興不以錢大政衰不以錢小唯貴公私得所政化無
虧旣行之於古亦宜效之於今矣臣今請鑄以濟交
乏五銖之錢任使竝用行之無損國得其益詔將從
之事未就會卒

北齊神武霸政之初猶用永安五銖遷鄴已後百姓私

鑄體制漸別遂各以爲名有雍州青州梁州生厚緊錢古錢河陽生詛天柱赤牽之稱冀州之北錢皆不行交貿者皆以絹布神武乃收境內之銅及錢仍依舊文更鑄流之四境未幾之間漸復細薄姦僞競起

武定六年文襄王以錢文五銖名須稱實宜稱錢一文重五銖者聽入市用計一百文重一斤四兩二十銖自餘皆準此爲數其京邑二市天下州鎮郡縣之市各置二稱懸於市門私人所用之稱皆準市稱以定輕重凡有私鑄悉不禁斷但重五銖然後聽用若入市之錢不重五銖或雖重五銖而多雜鉛鐵竝不文獻通考

卷八

錢幣

三

聽用若輒以小薄雜錢入市有人糾獲其錢悉入告者其薄小之錢若便禁斷恐人交乏絕畿內五十日外州百日爲限羣官參議咸以爲時穀稍貴請待有年王從之而止

文宣受東魏禪除永安之錢改鑄常平五銖重如其文其錢甚貴而製造甚精其錢未行而私鑄已興一二年間卽有濫惡雖殺戮不能止乃令市增長銅價由此利薄私鑄少止至乾明皇建之間往往私鑄鄴中用錢有赤郭青熟細眉赤生之異河南所用有青薄鉛錫之別青齊徐兗梁荆河等州輩類各殊武平以後私鑄轉甚

或以生鐵私銅至於齊亡卒不能禁

後周之初尙用魏錢及武帝保定元年乃更鑄布泉之錢以一當五與五銖竝行梁益之境又雜用古錢交易

河西諸郡或用西域金銀之錢

漢書西域傳罽賓國以銀爲錢文爲騎馬幕爲

人面其止卽漫也烏丸山燕國之錢與罽賓國同文爲人頭幕爲騎馬加金銀釋其仄安息亦以銀爲錢文爲王面幕爲夫人面王死而官不禁建德三年更鑄五行卽更鑄大月氏亦同

大布錢以一當十大收商賈之利與布泉錢竝行四年

又以邊境之錢人多盜鑄乃禁五行大布不得出入四

關布泉之錢聽入而不聽出五年以布錢漸賤而人不

用遂廢之初私鑄者絞從者遠配爲戶齊平以後山東

文獻通考

卷八

錢幣

三

之人猶雜用齊氏舊錢至宣帝大成元年又鑄永通萬國錢以一當千與五行大布五銖凡三品竝用

隋文帝開皇元年以天下錢貨輕重不一乃更鑄新錢

背面肉好皆有周郭文曰五銖而重如其文每錢一千

重四斤二兩

後魏食貨志云齊文襄令錢一文重五銖者聽入市用計一百錢重一斤四兩二十

銖則一千錢重十二斤以上而隋代五銖錢一千重四斤二兩當是大小稱之差耳

是時錢旣雜

出百姓或私有鎔鑄三年詔四面諸關各付百錢爲樣

從關外來勘樣相似然後得過樣不同者則壞以爲銅

入官詔行新錢以後前代舊錢有五行大布永通萬國

及常平所在勿用以其貿易不止四年詔依舊不禁者

縣令奪半年祿然百姓習用既久猶不能絕五年詔又嚴其制自是錢貨始一所在流布百姓便之是時見用之錢皆須和以錫蠟錫蠟既賤求利者多私鑄之錢不可禁約其年詔乃禁出錫蠟之處竝不得私有採取十年詔晉王廣聽於揚州立五鑪鑄錢其後姦猾稍多漸磨鑪錢郭取銅私鑄又雜以鉛錫遞相倣倣錢遂輕薄乃下惡錢之禁京師及諸州邸肆之上皆令立榜置樣爲準不中樣者不入於市十八年詔漢王諒聽於并州立五鑪鑄錢又江南人閒錢少晉王廣又請於鄂州白紵山有銅鑛處鑄錢於是詔聽置十鑪鑄錢又詔蜀王文獻通考

卷八

錢幣

无

秀於益州立五鑪鑄錢是時錢益濫惡乃令有司檢天下邸肆見錢非官鑄者皆毀之其銅入官而京師以惡錢貿易爲吏所執有死者數年之閒私鑄頗息大業以後王綱弛紊巨姦大猾遂多私鑄錢轉薄惡每千宜重二斤後漸輕至一斤或剪鐵鑠裁衣糊紙以爲錢相雜用之貨賤物貴以至於亡

唐武德四年廢五銖錢鑄開元通寶錢每十錢重一兩計一千重六斤四兩得輕重大小之中置錢監於洛并幽益等諸州賜秦王齊王三鑪右僕射裴寂一鑪以鑄盜鑄者死沒其家屬

高祖初入關民間生線環錢其製輕小凡八九萬纔滿半斛乃鑄開元通寶其文給事中歐陽詢製詞及書時稱其工字含八分及篆隸三體其詞先上後下次左後右讀之自上及左廻環讀之其義亦通流俗謂之開通元寶錢鄭虔會粹云詢初進蠟樣曰文德皇后搯一甲跡故錢上有搯文每兩二十四銖則一錢重二銖半以下古稱比今稱三之一也則今錢爲古稱之七銖以上古五銖則加重二銖以上

顯慶五年以盜鑄惡錢多官爲市之以一善錢售五惡錢民間藏惡錢以待禁地

文獻通考

卷八

錢幣

十一

儀鳳四年以天下惡錢轉多令東都出遠年糙米及粟於市糶斗別納惡錢百文其惡錢令少府司農相知卽令鑄破其厚重合斤兩者任將行用

乾封元年改鑄乾封泉寶錢徑寸重二銖六分以一當舊錢之十逾年而舊錢多廢明年以商賈不通米帛踊貴復行開通元寶錢天下皆鑄之然私錢犯法日蕃有以舟筏鑄江中者詔所在納惡錢而姦亦不息儀鳳中瀕江民多私鑄錢爲業詔巡江官督捕載銅錫鐵過百斤者沒官四年命東都糶米粟別納惡錢百文少府司農毀之時鑄多錢賤米踊貴乃詔少府鑄尋復舊永淳

元年私鑄者抵死鄰保從坐

武后長安中令懸樣於市令百姓依樣用錢俄而棟擇艱難交易雷滯乃令錢非穿穴及鐵錫銅液皆得用之熟銅排斗沙澀之錢皆售自是盜鑄蜂起江淮尤甚吏莫能捕先天之際兩京錢益濫郴衡錢纔有輪郭鐵錫五銖之屬皆可用之或鎔錫模錢須臾千百

元宗開元初宰相宋璟請禁惡錢行二銖四參錢毀舊錢不可用者江淮有官鑪錢偏鑪錢校錢時錢遣監察御史蕭隱之使江淮括惡錢隱之嚴急煩擾怨嗟盈路坐貶官璟又請羅十萬斛收惡錢少府毀之

文獻通考

卷八

錢幣

三

開元二十二年三月二十一日敕布帛不可以尺寸爲交易菽粟不可以鈔勺貿有無古之爲錢以通貨幣頃雖官鑄所入無幾約工計本勞費又多公私之閒給用不贍永言其弊豈無變通往者漢文之時已有放鑄之令雖見非於賈誼亦無廢於賢君古往今來時移事異亦欲不禁私鑄其理如何公卿百僚詳議可否祕書監崔沔議曰夫國之有錢時所通用若許私鑄人必競爲各徇所求小如有利漸忘本業大計斯貧是以賈生之陳七福規於更漢令太公之創九府將以殷貧人況依法則不成違法乃有利謹按漢書文帝雖除盜鑄錢令

而不得雜以鉛鐵爲他巧者然則雖私鑄不容姦錢錢不容姦則鑄者無利鑄者無利則私鑄自息斯則除之與不除爲法正等能謹於法而節其用則令行而詐不起事變而姦不生斯所以稱賢君也今若聽其私鑄嚴斷惡錢官必得人人皆知禁誡則漢政可侔猶恐未若皇唐之舊也今若稅銅折役則官冶可成計估度庸則私錢無利易而可久簡而難誣謹守舊章無越制度且夫錢之爲物貴以通貨利不在多何待私鑄然後足用也左監門錄事參軍劉秩議曰古者以珠玉爲上幣黃金爲中幣刀布爲下幣管子曰夫三幣握之則非有補

文獻通考

卷八

錢幣

三

於煖也捨之則非有損於飽也先王以守財物以御人事而平天下是以命之曰衡衡者使物一高一下不得有常故與之在君奪之在君以人戴君如日月親君如父母用此術也是謂人主之權今之錢卽古之下幣也陛下若捨之任人則上無以御下下無以事上其不可一也夫物賤則傷農錢賤則傷賈故善爲國者觀物之貴賤錢之輕重夫物重則錢輕錢輕由乎物多多則作法收之使少少則重重則作法布之使輕輕重之本必由乎是奈何而假於人其不可二也夫鑄錢不雜以鉛鐵則無利雜以鉛鐵則惡不重禁不足以懲息方今塞

其私鑄之路人猶冒死以犯之況啓其源而欲人之從令乎是設陷穽而誘之入其不可三也夫許人鑄錢無利則人不鑄有利則人去南畝者衆去南畝者衆則草萊不墾又鄰於寒餒其不可四也夫人富溢則不可以賞勸貧餒則不可以威禁故法令不行人之不理皆由貧富之不齊也若許其鑄錢則貧者必不能爲臣恐貧者彌貧而服役於富室富室乘之則益盜昔漢文時吳淖諸侯也富埒天子鄧通大夫也財侔王者此皆鑄錢所致也必欲許其私鑄是與人利權而捨其柄其不可五也陛下必以錢重而傷本工費而利寡則臣願言其

文獻通考

卷八

錢幣

三

失以效愚計夫錢重者猶人日滋於前而鑪不加於舊又公錢重與銅之價頗等故盜鑄者破重錢以爲輕錢禁寬則行禁嚴則止止則棄矣此錢之所以少也夫鑄錢用不贍者在乎銅貴銅貴之由在於採用者衆矣夫銅以爲兵則不如鐵以爲器則不如漆禁之無害陛下何不禁於人則銅無所用銅無所用則銅益賤銅賤則錢之用給矣夫銅不布下則盜鑄者無因而鑄無因而鑄則公錢不破公錢不破則人不犯死刑錢又日增末復利矣是一舉而四美兼也伏惟陛下熟察之其年十月六日敕貨幣兼通將以利用而布帛爲本錢刀是末

賤本貴末爲弊則深法教之間宜有變革自今以後所有莊宅口馬交易竝先用絹布綾羅絲絛等其餘市買至一千以上亦令錢物兼用違者科罪二十六年於宣潤等州置錢監

時兩京用錢稍善米粟價益下其後錢又漸惡詔出銅所在置監鑄開元通寶錢京師庫藏皆滿天下盜鑄益起廣陵丹陽宜城尤甚京師權豪歲取之舟車相屬江淮偏鑪錢數十種雜以鐵錫輕漫無復錢形以一當偏鑪錢七八富商往往藏之以易江淮私鑄者兩京錢有鵝眼古文繩環之別每貫重三四斤

文獻通考

卷八

錢幣

三

至翦鐵而縉之宰相李林甫請出絹布三百萬疋平估收錢物價踊貴詎者百萬人兵部侍郎楊國忠欲招權以市恩揚鞭市門曰行當復之明日詔復行舊錢天寶十一載又出錢三十萬縉易兩市惡錢出左藏庫排斗錢許民易之國忠又言非鐵錫銅沙穿穴古文皆得用之是時增調農人鑄錢旣非所習皆不聊生內作判官韋倫請厚價募工繇由役用減而鼓鑄多天下鑪九十九絳州三十揚潤宣鄂蔚皆十益柳皆五洋州三定州一每鑪歲鑄錢三千三百縉役丁匠三十費銅二萬一千二百斤鐵三千七百斤錫

五百斤每千錢費錢七百五十天下歲鑄三十二萬七千緡

肅宗乾元元年戶部侍郎第五琦以國用未足幣重貨輕乃請鑄乾元重寶錢徑一寸每緡重十斤以一當十與開元通寶參用及琦爲相又鑄重輪乾元錢一當五十每緡重十二斤與三品錢並行法既屢易物價騰踊斗米至七千錢死者滿道初有虛錢京師人人私鑄并小錢壞鐘像犯禁者愈衆鄭叔清爲京兆尹數月榜死者八百餘人上元元年減重輪錢以一當三十開元舊錢與乾元十當錢皆以一當十輾磴嚮受得爲實錢虛錢交易皆用十當錢由是錢有虛實之名

文獻通考

卷八

錢幣

三五

史思明據東都鑄得一元寶錢徑一寸四分以當開元通寶之百旣而惡得一非長祚之兆改其文曰順天元寶

代宗卽位乾元重寶錢以一當二重輪錢以一當三凡三日而大小錢皆以一當一自第五琦更鑄犯法者日數百州縣不能禁止至是人甚便之其後民間乾元重輪二錢鑄爲器不復出矣

當時議者以爲自天寶至今九百餘萬王制上農食九人中農夫七人以中農夫計之爲六千三百萬人

少壯相均人食米二升日費米百二十六萬斛歲費四萬五千三百六十萬斛而衣倍之吉凶之禮再倍餘三年之儲以備水旱凶災當米十三萬六千八十八萬斛以貴賤豐儉相當則米之直與錢均也田以高下肥瘠豐耗爲率一頃出米五十餘斛當田二千七百二十一萬六千頃而錢亦歲毀於棺瓶埋藏焚溺其閒銅貴錢賤有鑄以爲器者不出十年錢幾盡不足以前當世之用諸道鹽鐵轉運使劉晏以江嶺諸州任土所出皆重粗賤弱之貨輸京師不足以供道路之直於是積之江淮易銅鉛薪炭廣鑄錢每歲得十餘萬緡輸京師及荆揚二州自是錢日增矣

文獻通考

卷八

錢幣

三

建中元年九月戶部侍郎韓洄上言江淮錢監歲共鑄錢四萬五千貫輸於京師度工用轉送之費每貫計錢二千是本倍利也今商州有紅厓冶出銅益多又有洛源監久廢不理請增工鑿山以取銅興洛源故監置十鑪鑄之歲計出錢七萬二千貫度用工轉送之費貫計錢九百則浮本矣其江淮七監請皆停罷從之

二年八月諸道鹽鐵使包佶奏江淮百姓近日市肆交易錢交下粗惡揀擇納官者三分纔有二分餘竝鉛錫銅盪不數斤兩致使絹價騰貴惡錢漸多訪聞諸州山

野地窖皆有私錢轉相貨易姦宄漸深今後委本道觀察使明立賞罰切加禁斷

貞元九年正月張滂奏諸州府公私諸色鑄造銅器雜物等伏以國家錢少損失多門興販之徒潛將銷錢一千爲銅六斤造寫器物則斤直六百餘有利旣厚銷鑄遂多江淮之間錢實減耗伏請準從前敕文除鑄鏡外一切禁斷

十年六月敕今後天下鑄造買賣銅器並不須禁止其器物約每斤價直不得過一百六十文委所在長吏及巡院同句當訪察如有銷錢爲銅者以盜鑄錢罪論

文獻通考

卷八

錢幣

三

十四年十二月鹽鐵使李若初奏諸道州府多以近日泉貨數少繪帛價輕禁止見錢不令出界致使課利有缺商賈不通請指揮見錢任其往來勿使禁止從之

憲宗以錢少復禁用銅器時商賈至京師委錢諸路進奏院及諸軍諸使富家以輕裝趨四方合券乃取之號飛錢京兆尹裴武請禁與商賈飛錢者按索諸坊十人爲保鹽鐵使李巽以郴州平陽銅院二百八十餘復置桂陽監以兩鑪日鑄錢二十萬天下茂鑄錢十三萬五千緡命商賈蓄錢者皆出以市貨天下有銀之山必有

銅唯銀無益於人五嶺以北採銀一兩者流他州官吏

元和四年京師用錢緡少二十及有鉛錫錢者捕之非
交易而錢行衢路者不問復詔採五嶺銀阮禁錢出嶺
六年貨易錢十緡以上者參用布帛蔚州三河冶距飛
狐故監二十里而近河東節度使王鐔置鑪疏拒馬河
水鑄錢工費尤省以刺史李聽為使以五鑪鑄每鑪月
鑄錢三十萬自是河東錫錢皆廢自京師禁飛錢家有
滯藏物價頓輕判度支盧坦兵部尚書判戶部事王紹
鹽鐵使王播請許商人於戶部度支鹽鐵三司飛錢每
千緡增給百錢然商人無至者復許與商人敵貫而易
文獻通考

卷八

錢幣

三

之然錢重幣輕如故憲宗為之出內庫錢五十萬緡市
布帛每疋加舊估十之一會吳元濟王承宗連衡拒命
以七道兵討之經費屈竭皇甫鎛建議內外用錢每緡
墊二十外復抽五十送度支以贍軍

十二年敕自今文武官僚不問品秩高下并公郡縣主
中使下至士庶商旅寺觀坊市所有私貯見錢竝不得
過五千貫如有過此許從敕出後限一月市別物收貯
如限內未了更請限亦不得過兩月限滿違犯者白身
人處死有官人等聞奏科貶其贖貯錢納官五分取一
充賞時京師里閭區肆所積多方鎮錢如王鐔韓弘李

惟簡少者不下五十萬貫於是競買地屋以變其錢而高貴大價多依倚左右軍官錢爲名府縣不能究治竟不行

先是三年詔應天下商賈先蓄見錢者委所在長吏令收市貨物官中不得輒有程限逼迫商人任其貨易以求便利周歲之後此法徧行朕當別立新規設蓄錢之禁所以先有告示許其方員意在他時行法不貸

按後之爲國者不能制民之產以均貧富而徒欲設法以限豪強兼并之徒限民名田猶云可也限

文獻通考

卷八

錢幣

五

民蓄錢不亦甚乎然買田者志於吞併故必須上之人立法以限其頃畝蓄錢者志於流通初不煩上之人立法以教其懋遷也今以錢重物輕之故立蓄錢之限然錢重物輕正藏緝逐利者之所樂聞也人棄我取誰無是心正不必設法禁以驅之徒開告訐之門而重爲煩擾耳

穆宗卽位京師鬻賣金銀十兩亦墊一兩糴米鹽百錢墊七八京兆尹柳公綽以嚴法禁止之尋以所在用錢墊陌不一詔從俗所宜內外給用每緡墊八十

寶歷初河南尹王起請銷錢爲佛像者以盜鑄錢論

太和三年詔佛像以鉛錫土木爲之飾帶以金銀鑰石烏油藍鐵唯鑑磬釘釵鈕得用銅餘皆禁之盜鑄者死是時峻鹽鐵錢之禁告千錢者賞以五千

四年詔積錢以七千緡爲率十萬緡者期以一年出之二十萬以二年凡交易百緡以上者足帛米粟居半河南府揚州江陵府以都會之劇約束如京師未幾皆罷八年河東錫錢復起鹽鐵使王涯置飛狐鑄錢院於蔚州天下歲鑄錢不及十萬緡文宗病幣輕錢重詔方鎮縱錢穀交易時雖禁銅爲器而江淮嶺南列肆鬻之鑄千錢爲器售利數倍宰相李珣請加鑪鑄錢於是禁銅文獻通考

卷八

錢幣

罕

器官一切爲市之天下銅院五十歲采銅二十六萬六千斤及武宗廢浮屠法永平監官李郁彥請以銅像鐘磬鑪鐸皆歸巡院州縣銅亦多矣鹽鐵使以工有常力不足以加鑄許諸道觀察使皆得置錢坊淮南節度使李紳請天下以州名鑄錢京師爲京錢大小徑寸如開元通寶交易禁用舊錢會宣宗卽位盡由會昌之政新錢以字可辨復鑄爲像昭宗末京師用錢八百五十爲貫每百纔八十五河南府以八十爲百云

文獻通考卷第九

鄱陽馬端臨貴與著

錢幣考二

歷代錢幣之制

後唐同光二年令京師及諸道於市行使錢內檢點雜惡鉛錫竝宜禁斷沿江州縣每舟船到岸嚴加覺察不許將雜鉛錫惡錢往來換易好錢如有私載竝行收納天成元年中書門下奏訪聞諸道州府所買賣銅器價貴多是銷鎔見錢以邀厚利宜徧告曉如元舊破損銅器及碎銅卽許鑄造銅器生銅器每斤價定二百熟銅器每斤四百如違省價買賣之人依盜鑄錢律文科斷

文獻通考

卷九

錢幣

一

又敕諸道州府約勒見錢素有條制若全禁斷實匪通規宜令三京諸道州府城門所出見錢如五百以上不得放出

二年敕買賣人所使見錢舊有條流每陌八十文近訪聞在京及諸道市肆人戶皆將短陌轉換長錢今後凡有買賣竝須使八十陌錢如有輒將短錢與販仰所在收捉禁治

四年制今後行使錢陌內捉到一文二文繫夾帶鉛鐵錢所使錢不計多少納官科罪

晉天福三年詔曰國家所資泉貨爲重銷蠹則甚添鑄無聞宜令三京諸道州府無問公私應有銅者並許鑄錢仍以天福元寶爲文左環讀之每一錢重二銖四參十錢重一兩仍禁將鉛鐵雜鑄諸道應有久廢銅冶許百姓取便開鍊永遠爲主官中不取課利除鑄錢外不得接便別鑄銅器

其年十二月敕先許鑄錢切慮逐處缺銅難依先定銖兩宜令天下公私應有銅欲鑄錢者取便酌量輕重鑄造不得入鉛鐵及缺落不堪久遠流行

四年敕以天下公私鑄錢雜以鉛錫缺小違條今後祇

文獻通考

卷九

錢幣

二

官鑄造私下禁舊法

漢隱帝時王章爲三司使聚斂刻急舊制錢出入皆以八十爲陌章始令入者八十出者七十七謂之省陌

周顯德二年帝以縣官久不鑄錢而民間多銷錢爲器皿及佛像錢益少乃立監采銅鑄錢自非縣官法物軍器及寺觀鐘磬鉞鐸之類聽畱外自餘民間銅器佛像五十日內悉令輸官給其直過期隱匿不輸五斤以上罪死不及者論刑有差其銅鏡官中鑄於東京置場貨賣許人戶收買興販朝廷及諸州見管法物軍器舊用銅製及裝飾者候經使用破壞卽仰改造不得更使銅

內有合使銅者奏取進止

上謂侍臣曰卿輩勿以毀佛爲疑夫佛以善道化人苟志於善斯奉佛矣彼銅像者豈所謂佛邪且吾聞佛志在利人雖頭目猶捨以布施若朕身可以濟民亦非所惜也

致堂胡氏曰令之而行禁之而止惟爲人所難者能若世宗欲禁銷錢而毀銅像是也銅像人所敬畏尙且毀之錢之不可銷必矣韓愈拜京兆尹神策六軍不敢犯法曰是尙欲除佛者亦猶是也銷錢爲器其利十倍錢所以權百貨平低昂其鑄之

文獻通考

卷九

錢幣

三

也不計費不謀息今而銷之可不禁乎雖然銷而爲器錢雖毀而器存焉若夫散而四出舟遷車轉入於他國歸於蠻夷其害豈特爲害而已而不聞世宗禁之則不以泉貨貿遠方之寶可知已錢之散也以貿遠方之寶故也上好之下效之於是關防不嚴法制墮壞真錢日少僞錢日多以不貴之價靡有限之錢雖萬物爲銅陰陽爲炭亦且不給區區器像又何濟乎故惟至廉無欲然後可蓄生人之共寶而又關防嚴密法制具在鼓鑄不廢則中國之錢真可流於地上矣

唐主李璟既失江北困於用兵鍾謨詣鑄大錢以一當十文曰永通泉貨謨得罪而大錢廢韓熙載又鑄鐵錢以一當二

錢有銅鐵二等五代相承用唐錢諸國割據者江南曰唐國通寶又別鑄如唐制而篆文其後鑄鐵錢每十錢以鐵錢六權銅錢四而行乾德後只以鐵錢貿易凡十當銅錢一兩浙河東自鑄銅錢亦如唐制西川湖南福建皆用鐵錢與銅錢兼行湖南文曰乾封泉寶徑寸以一當十福建如唐制

宋初錢文曰宋元通寶太平興國後又鑄太平通寶錢

文獻通考

卷九

錢幣

四

太宗親書淳化元寶作真行草三體自後每改元必更鑄以年號元寶爲文

太祖皇帝建隆二年禁諸鐵鑞錢民間有者悉送官
乾德五年禁輕小惡錢限一月送官

自平廣南江南聽權用舊錢勿得過本路之境
國初因漢制其輸官錢亦用八十或八十五爲陌然諸州私用各隨俗至有以四十八錢爲陌是歲所在用七十七陌爲貫及四斤半以上

眞宗咸平四年舊制犯銅禁七斤以上竝奏裁處死詔自今滿五十斤以上取裁餘第減之

天禧三年詔犯銅鑄石竝免極刑

鐵錢者川陝福州承舊制用之

開寶三年令雅州百丈縣置監鑄鐵錢禁銅錢入兩川

後令兼行銅錢一當鐵錢十

太平興國八年以福建少銅錢令於建州鑄太鐵錢與

銅錢竝行尋罷鑄

凡鑄銅錢有四監饒州曰永平池州曰永豐江州曰廣

寧建州曰豐國

京師升鄂州南安軍舊竝有錢監杭州有寶興監後竝廢之

每千文

用銅三斤十兩鉛一斤八兩錫八兩成重五斤惟建州

增銅五兩減鉛如其數至道中歲鑄八十萬貫景德中

文獻通考

卷九

錢幣

五

至一百八十三萬貫大中祥符後銅阮多不發天禧末

鑄一百五萬貫鐵錢有三監邛州有惠民嘉州有豐遠

興州有濟衆

益州雅州舊亦有監後廢

大錢貫重十二斤兩以準銅

錢

舊皆用小鐵錢十當銅錢之一景德二年令知益州張詠西川轉運使黃觀同裁度嘉邛二州所鑄大鐵

錢每貫用二十五斤八兩成直銅錢一小鐵錢十相兼

行用後以鐵重多盜鑄爲器每二十五斤鬻之直二千

大中祥符七年知益州凌策言錢輕則行者易齎錢小則鑄者鮮利請減景德二年之制其見使舊錢亦令仍舊行用

從之 歲總鑄二十一萬餘貫

太祖時取唐朝飛錢故事許民入錢京師於諸州便換

其後定外地閑慢州乃許指射自此之後京師用度益

多諸州錢皆輸送其轉易當給以錢者或移用他物

先是許商人入錢左藏庫以諸州錢給之而商旅先經三司投牒乃輸於庫所由司計一緡私刻錢二十開寶三年置便錢務令商人入錢者詣務陳牒即日輦致左藏庫給以券仍敕諸州凡商人齎券至當日給付不得住滯違者科罰自是毋復停滯至道末商人便錢一百七十餘萬貫天禧末增一百一十三萬貫

初蜀人以鐵錢重私爲券謂之交子以便貿易富人十六戶主之其後富人貲稍衰不能償所負爭訟數起寇瑛嘗守蜀乞禁交子薛田爲轉運使議廢交子則貿易不便請官爲置務禁民私造詔從其請置交子務於益

州

文獻通考

卷九

錢幣

諸路錢歲輸京師四方絲此錢重而貨輕景祐初始詔三司以江東福建廣南歲輸緡錢合三十餘萬易爲金帛錢流民間

凡鑄銅錢用劑八十八兩得錢千重八十兩十分其劑銅居六分鉛錫居三分皆有奇贏鑄大鐵錢用鐵二百四十兩得錢千重百九十二兩此其大法也有許申者爲三司度支判官建議以藥化鐵與銅雜鑄輕重如銅錢法而銅居三分鐵居六分皆有奇贏亦

得錢千費省而利厚詔鑄於京師然鑄錢雜鉛錫則其液流速而易成申雜以鐵鐵氈而多不就工人苦之後卒無成

國朝錢文皆用元寶而冠以年號及改號寶元文當日寶元元寶詔學士議因請改曰豐濟元寶仁宗特命以皇宋通寶爲文慶歷以後復冠以年號

時軍興陝西移用不足始用知商州皮仲容議采洛南縣紅崖山號州青水冶青銅置阜民朱陽二監以鑄錢既而陝西都轉運使張奎知永興軍范雍請鑄大銅錢與小錢兼行大錢一當小錢十奎等又請因晉州積鐵

文獻通考

卷九

錢幣

七

鑄小錢及奎徙河東又鑄大鐵錢於晉澤二州亦以一當十以助關中軍費未幾三司奏罷河東鑄大鐵錢而陝西復采儀州竹尖嶺黃銅置博濟監鑄大錢朝廷因敕江南鑄大銅錢而江池饒儀號州又鑄小鐵錢悉輦致關中數州錢雜行大約小銅錢三可鑄當十大銅錢一以故民間盜鑄者衆錢文大亂物價翔踊公私患之於是奎復奏晉澤石三州及威勝軍日鑄小鐵錢獨留用河東而河東鐵錢既行盜鑄者獲利十六錢輕貨重其患如陝西言者皆以爲不便知并州鄭戢請河東鐵錢以二當銅錢一行一年又以三當一或以五當一罷

官鑪日鑄且行舊錢知澤州李昭遘亦言河東民燒石炭家有囊冶之具盜鑄者莫可詰而北虜亦能鑄鐵錢以易竝邊銅錢而去所害尤大朝廷嘗遣魚周詢歐陽修分察兩路錢利害至慶歷末遂命學士張方平宋祁御史中丞楊察與三司雜議時葉清臣復爲三司使與方平先上陝西錢議曰關中用大錢本以縣官取利太多致姦人盜鑄其用日輕比年以來皆虛高物估始增直於下終取償於上縣官雖有折當之虛名乃罹虧損之實害救弊不先自損則法未易行請以江南儀商等州大銅錢一當小銅錢三又言姦人所以不鑄小鐵錢文獻通考

卷九

錢幣

八

者以鑄大銅錢得利厚而官不能必禁若鑄大銅錢無利又將鑄小鐵錢以亂法請以小鐵錢三當銅錢一既而又請河東小鐵錢如陝西亦以三當一旦罷官所置鑪朝廷皆施用其言自是姦人稍無利猶未能絕濫錢其後詔商州罷鑄青黃銅錢又令陝西大銅錢大鐵錢皆以一當二盜鑄乃止然令數變兵民耗於資用類多吝怨久之始定

神宗熙寧四年陝西轉運使皮公弼言頃歲西邊用兵始鑄當十錢後兵罷多盜鑄者乃以當三又減作當二行之至今銅費相當盜鑄衰息請以舊銅鉛盡鑄當二

錢從之其後折二錢遂行天下

慶歷中陝西河東皆用鐵錢後小鐵錢獨行於河東而陝西許用銅錢及大鐵錢以一折二然小鐵錢凡四十萬緡積在同華二州熙寧詔賜河東以鐵償之永興路安撫吳中復請以錢四十買缺薄惡錢一斤以所買惡錢悉改鑄大錢秦鳳轉運使熊本言今雖以錢四十得偽錢一斤及銅錢千易當二錢千其實鐵錢一斤才當斤鐵耳千錢爲鐵六斤鑄爲錢二千而以銅錢千易之官失多矣又錢多一年改鑄未得竟也且民賣千錢得二百五十折二大錢才易其半

文獻通考

卷九

錢幣

九

又禁其通行大錢則方災傷民所有錢四亡其三何以抹災

判應天府張方平上言臣向者再總邦計見諸鑪歲課上下百萬緡天下歲入榷鹽酒稅雜利僅五千萬緡公私流布日用而不息上自社稷百神之祀省御供奉官吏廩祿軍師乘馬征戍聘賜凡百用度斯焉取給出納大計備於此矣景德以前天下財利所入榷鹽酒稅茂課一千五百餘萬緡太宗以是料兵閱馬平河東討拓跋歲有事於契丹眞宗以是東封岱宗西祀汾睢南幸亳宋未嘗聞加賦於民而調度克

集至仁宗朝重熙累盛生齒繁庶食貨滋殖慶歷以後財利之入乃至三倍於景德之時而國計之費更稱不贍則是本末之源盈虛之數其疏濶不侔久矣陛下憫時事之積弊志在變而通之創立法制凡大措置事以十數要在經國利民崇德而廣業也其中率錢募役一法爲天下害實深且舉應天府爲例畿內七縣共主客六萬七千有餘戶夏秋米麥十五萬二千有零石絹四萬七百有零疋此乃田畝桑功之自出是謂正稅外有沿納諸色名目雜錢十一萬三千有零貫已是因循弊法然雖有錢數實不納錢竝

文獻通考

卷九

錢幣

十

繫折納穀帛惟屋稅五千餘貫舊納本色見錢大體古今賦役之制自三代至於唐末五代未有輸納之法也今乃歲納役錢七萬五千三百有零貫文散青苗錢八萬三千六百餘貫累計息錢一萬六千六百有零貫此乃歲輸實錢三千餘貫又弛邊關之禁開賣銅之法外則泄於四夷內則縱行銷毀鼓鑄有限壞散無節錢不可得穀帛益賤凡公私錢幣之發斂其則不遠百官羣吏三軍之俸給夏秋糴買穀帛院冶場監本價此所以發之也屋廬正稅榷鹽酒稅之課此所以斂之者也民間貨布之豐寡視官錢所出

出
之多少官錢出少民間已乏則是常賦之外錢將安
自王安石爲政始罷銅禁姦民日銷錢爲器邊關海
舶不復譏錢之出國用日耗又青苗助法皆徵錢民
閒錢荒故方平極言之

八年皮公弼又請鑄鐵折二錢從之

御史周尹言臣去冬奉使經由永興秦鳳路伏見盜
鑄錢不少問其本末蓋是錢法用一當二鐵錢易得
而民間盜鑄者費少利倍又訪聞得所在官中積聚
約有數百萬餘貫民間收藏者猶不在其數緣上件

文獻通考

卷九

錢幣

十一

錢貨起初元以一當十後來減爲折三近歲又作折
二已於國家重貨十損其八若更作一文行用卽又
損一分所以不當輒有奏請昨來朝廷差汪輔之往
逐路揀選鐵錢萬數不多今三司指揮更不行用仍
行改鑄務監每一日鑄及三千貫卽一年之內除節
假旬假實有三百日課程約只得九十萬貫以來計
三二年間未滿數百萬貫況日課未必及三千貫之
數也若改鑄之法或只仍舊作折二錢卽民間盜鑄
定亦不可止絕臣欲望作折二鑄錢更不別行改鑄
亦不須揀選起自今後只作一文行用則盜鑄者所

獲之利不充所費自然無復冒禁作過歲省重辟而農商交易獲衆貨流通之利且約官中所有止就四百萬貫言之若以二爲一卽猶得二百萬貫之數致力簡省便可得用

諸路鑄錢總二十六監每年鑄銅鐵錢五百四十九萬九千二百三十四貫內銅錢十七監鑄錢五百六萬貫鐵錢九監鑄錢八十八萬九千二百三十四貫

銅錢逐監錢數

阜財監

兩京

二十萬貫

黎陽監

衛州

二十萬貫

永興軍華州陝府錢監各鑄二十萬貫計六十萬貫

文獻通考

卷九

錢幣

三

垣典監

絳州

二十六萬貫

安安監

舒州

一十萬

貫 神泉監

睦州

一十萬貫

富民監

興國軍

二萬

貫 熙寧監

衛州

二十萬貫

寶泉監

鄂州

一十萬

貫 廣寧監

江州

三十四萬貫

永豐監

池州

四十

四萬五千貫

永平監

饒州

六十一萬五千貫

豐

國監

建州

二十萬貫

永通監

韶州

八十萬貫

阜

民監

惠州

七十萬貫

鐵錢逐監錢數

在城朱陽兩監

虢州

各十二萬五千貫

阜民洛南

兩監

商州

各十二萬五千貫

威遠鎮

通遠軍

滔山

鎮岷州 兩監共二十五萬貫 嘉州二萬五千貫

邛州七萬三千二百三十四貫 興州四萬一千貫

銅錢一十三路行使

開封府界 京東路 京西路 河北路 淮南路

兩浙路 福建路 江南東路 江南西路 荆

湖南路 荆湖北路 廣南東路 廣南西路

銅鐵錢兩路行使

陝府西路 河東路

鐵錢四路行使

成都府路 梓州路 利州路 夔州路

文獻通考

卷九

錢幣

三

右元豐閒畢仲衍所進中書備對言諸路銅鐵錢
監與所鑄錢數目及行使地分詳明今錄於此蓋
比國初至景德中則銅錢增九監而所鑄增三百
餘萬貫鐵錢增六監而所鑄增六十餘萬貫云

哲宗元祐六年申錢幣闕出之禁立銅錢出界徒流編
配首從之法

言者謂自熙寧七年削除錢禁以此邊關重車而出
海舶飽載而回沿邊州軍錢出外界但每貫收稅錢
而已是中國貨寶與四夷共用之也

戶部侍郎蘇轍北使還論事宜曰臣切見北界別無

錢幣公私交易竝使本朝銅錢沿邊禁錢條法雖極深重而利之所在勢無由止本朝每歲鑄錢以百萬計而所在常患錢少蓋散入四夷勢當爾也謹按河北河東陝西三路土皆產鐵見今陝西鑄折二鐵錢萬數極多與銅錢竝行而民間輕賤鐵錢鐵錢十五僅能比銅錢十而官用鐵錢與銅錢等緣此解鹽鈔法久遠必敗河東雖有小鐵錢然數目極少河北一路則未嘗鼓鑄臣等嘗聞議者謂可於三路竝鑄鐵錢而行使之地止於極邊諸州極邊見在銅錢竝以鐵錢兌換般入近裏州郡如此則雖不禁錢出外界

文獻通考

卷九

錢幣

四

而其弊自止矣伏乞下戶部令徧問三路提轉安撫司詳講利害如無窒礙乞早賜施行惟河東路極邊數郡訪聞每歲秋成必假銅錢於北界人戶收糴乞令相度若以紬絹優與折博有無不可此計若行爲利不小

徽宗崇寧二年二月庚午初令陝西鑄折十銅錢并夾錫錢左僕射蔡京奏據陝西轉運副使許天啓申送到新鑄銅錢鐵錢樣已降指揮銅錢於歲終須管鑄三十萬貫鐵錢鑄二百萬貫自來鑄錢張官置吏招刺軍兵所費不少而軍兵之役最爲辛苦官得至薄率三錢得

一錢之利蓋是久失擘畫今陝西河中府等處民間私鑄最多召募私鑄人令赴官充鑄錢工匠廣爲營屋許其一家之人在營居止不必限其出入官給以物料盡其一人之力鼓鑄計其工直率十分中支若干分數充其工價又可收私鑄人在官蓋昔人招天下亡命卽山鑄錢之意欲令許天啓相度疾速準此施行仍與舊來軍工相兼鼓鑄今來所鑄銅錢除陝西四川河東繫鐵錢地分更不得行使外諸路並準折十行用其錢唯令陝西鐵錢地分鑄造却於銅錢地分行使貴絕私鑄之患如有私鑄並以一文計小錢十科罪又陝西銅錢至文獻通考

卷九

錢幣

五

重每一錢當鐵錢三或四今夾錫鑄造樣製精好欲一錢當銅錢二支用令許天啓相度依此施行從之夾錫錢始於二年河東運判洪中孚言二虜以中國錢鐵爲兵器若雜以鉛錫則脆不可用請改鑄夾錫當三當十鐵錢從之

尙書省言崇寧監鑄御書當十錢每貫重一十四斤七兩用銅九斤七兩二錢鉛四斤一十二兩六錢錫一斤九兩二錢除火耗一斤五兩每錢重三錢

四年尙書省言東南諸路盜鑄當十錢者多乃詔廣南福建路更不行使當十錢有者兌換於別路行使

其本路別鑄小平錢以閩廣繫出銅虛故也又詔荆湖江浙當十錢竝改作當五錢五年蔡京罷相監察御史沈疇言古者軍興錫賞不繼或以一當百或以一當千此權時之宜豈可行於太平無事之日自爲當十之議召禍起姦游手之民一朝鼓鑄無故而有數倍之息何憚而不爲雖日斬之其勢不可遏也六月詔當十錢惟京師陝西兩河許行諸路竝罷令民於諸縣鎮寨送納給以小鈔自一百至十貫止令通用行使如川鈔引法

張商英爲相上言當十錢自唐以來爲害甚明行之

文獻通考

卷九

錢幣

共

於今尤見窒礙蓋小平錢出門有限有禁故四方客旅物貨交易得錢者必入中求鹽鈔收買官告度牒而餘錢又流布在街市小民間故官司內外交相利養自當十錢行一夫負八十千小車載四百千錢旣爲輕齎之物則告牒難售鹽鈔非操虛錢而得實價則難行輕重之勢然也今欲權於內庫并密院諸司借支應干封樁金銀物帛并鹽鐵等下令以當十錢盜鑄爲濫害法限半年更不行用令民間盡所有於所在州軍送納每十貫官支金銀物帛四貫文擇其僞鑄者送近便改鑄小平錢存其如樣者俟納官足

十貫作三貫文名撥還元借處然後京城作舊錢禁
施行乃可議權貨通商鈔法

蔡條國史補國朝鑄錢沿襲五代及南唐故事歲
鑄之額日增至慶歷元豐閒爲最盛銅鐵錢歲無
慮三百餘萬貫及元祐紹聖而廢弛崇寧初則已
不及祖宗之數多矣魯公秉政思復舊額以銅少
終不能得考夫古人之訓子母相權之說因作大
錢以一當十至大觀上又爲親書錢文焉蓋昔者
鼓冶凡物料火工之費鑄一錢凡十得息者一二
而贍官吏運銅鐵悉在外也苟稍加工則費一錢

文獻通考

卷九

錢幣

七

之用始能成一錢而當十錢者其重三錢加以鑄
三錢之費則製作極精妙乃得大錢一是十得息
四矣始亦通流又以其精緻人愛重之然利之所
在故多有盜鑄如東南盜鑄其私錢既鋏薄且製
作粗惡遂以猥多成弊大觀三年魯公旣罷朝議
改爲當三當三則折閱倍焉雖縣官亦不能鑄矣
南大錢遂廢初議改當三也宰執爭輦錢而市黃
金在都金銀鋪未之知不兩月命下時傳以爲訕
笑

交子 天聖以來界以百二十五萬六千三百四十緡

爲額

熙寧元年始立僞造罪賞如官印文書法

二年以河東公私共苦運鐵錢勞費詔置潞州交子務明年漕司以其法行則鑿鹽不受有害入中糧草之計秦罷之四年復行於陝西而罷永興軍鹽鈔務文彥博言其不便未幾竟罷其法

五年交子二十二界將易而後界給用已多詔更造二十五界者百二十五萬以償二十三界之數交子之有兩界自此始

九年以措置熙河財利孫迥言商人買販牟利於官且

文獻通考

卷九

錢幣

六

損鈔價於是罷陝西交子法

紹聖元年成都路漕司言商人以交子通行於陝西而本路乏用請更印製詔一界率增造十五萬緡是歲通舊額書放百四十萬六千三百四十緡

崇寧元年復行陝西交子

大觀元年改四川交子爲錢引自朝廷取湟廓西寧籍其法以助兵費較天聖一界逾二十倍而價愈損及更界年新交子一乃當舊者之四故更張之成都漕司奏交子務已改爲錢引務欲以四十三界引準書放數仍用舊印行之使人不疑擾自後並更爲錢引從之 又

詔陝西河東數略引直五千至七千而成都纔直二三
百豪右規利害法轉運司覺捕扇惑之人準法以行民
閒貿易十千以上令錢與引半用言者謂錢引雜以銅
鐵錢難較其直增損詔令以銅鐵錢隨所用分數比計
作銅錢聞奏 知威州張特奏錢引元價一貫今每道
止直一百文蓋必官司收受無難自然民心不疑便可
遞相轉易通流增長價例乞先自上下請給不支見錢
竝支錢引或量支見錢一二分任取便行使公私不得
抑勒仍嚴禁止害法不行之人從之 大凡舊歲造一
界備本錢三十六萬緡新舊相因大觀中不蓄本錢而
文獻通考 卷九 錢幣 五
增造無藝至引一緡當錢十數 錢引崇寧閒行於京
東西淮南京師諸路惟福建江浙湖廣不行趙挺之以
爲福建蔡京之鄉里也故免焉

高宗紹興三年劉大中宣諭江南歸言泉司官吏之費
歲十三萬緡請省官屬從之

宋朝鼓鑄饒池江州建寧府四監歲鑄銅錢百三十

四萬緡充上供

饒州永平監四十六萬五千江州廣
寧監二十四萬池州永豐監三十四

萬五千建寧豐國
監二十四萬四百

衡舒嚴鄂韶梧州六監歲鑄百五

十六萬緡充逐路支用

衡州咸寧監二十萬舒州同
安監十萬嚴州神泉監十五

萬鄂州寶泉監十萬韶州永通監
八十三萬梧州元豐監十八萬

建炎兵革州縣困

敵鼓鑄皆廢 紹興初并廣寧監於虔州并永豐監
於饒州 後來只在饒州置
司贛州只繫巡歷 歲鑄纔及八萬緡以銅錢
鉛錫之入不及於舊而官吏廩稍工作之費視前日
自若也每鑄錢一千率用本錢二千四百文時范汝
爲作亂權罷建州鼓鑄二年復鑄十二萬緡泉司應
副銅錫六十五萬餘斤

二十四年罷鑄錢司歸之漕司

二十八年上命御府銅器千五百事付泉司大索民間
銅器告者有賞其后得銅二百餘萬斤寺觀鐘磬饒鉞
既籍定投務外不得添鑄

文獻通考

卷九

錢幣

字

二十九年立爲限制命官之家存畱見錢二萬貫民庶
半之餘限二年聽變轉金銀算請襟鹽香礬鈔引之類
越數隱寄許人告

按此卽唐元和閒所行皆是以民間錢少而不能
流通縣官費重而不能廣鑄故爲此末策耳

孝宗隆興元年詔鑄當二小平錢如紹興之初自乾淳
迄嘉泰開禧皆如之

六年并鑄錢司歸發運司

七年復置

八年於饒贛各置提點官

自大中祥符及崇寧以來錢皆精好高宗嘗諭近臣欲盡如舊制不較工料之費乾道八年孝宗以新鑄錢淆雜詔提點鑄錢及永平監官左藏西庫監官戶工部長貳議罰有差

淳熙二年併贛州歸饒州而加都大焉

祖宗內帑茂收新錢一百五萬

江池饒建四監

而每年退却

六十萬三年一郊又支一百萬赴三司是內帑每年纔得十一萬六千餘緡而左藏得九十三萬三千餘緡也今歲額止十五萬而隸封樁者半內藏者半左藏咸無焉又自國家置市舶於浙於閩於廣船商往

文獻通考

卷九

錢幣

三

來錢寶所由以泄是以自臨安出門有禁下江有禁入海有禁凡船舶之方發也官必點視及遣巡捕官監送放洋然商人先期以小舟載錢離岸及官司之點巡捕之送一爲虛文於是許火內人告以其物貨之半充賞又或以裝發則舶回日亦許告首盡以回貨充賞沿海州軍以銅錢入海船者有罰淳熙五年五月詔蕃商往來夾帶銅錢五百文隨離岸五里外依出界法

臣僚言泉廣二舶司及西南二宗司建州回易悉載金錢四司旣自犯法郡縣巡尉其能誰何至淮楚屯

兵月費五十萬見錢居其半南北貿易緡錢之入易境者不知其幾於是沿邊皆用鐵錢矣所以淮南舊鑄銅錢乾道初詔兩淮京西悉用鐵錢荆門隸湖北以地接襄峴亦用鐵錢而淮西鼓鑄鐵錢未辦議者欲取之蜀事既行參政洪造以爲不便上然之但卽蜀中取十五萬緡行之廬和而已

六年詔司農丞許子中往淮西措置鐵錢子中言舒蘄

黃州皆產鐵合置監

舒州置同安監蘄春置蕪春監黃州置齊安監

且鑄折二

錢詔戶部支湊二十萬貫爲本又詔發運司通管四監

江州興國軍臨江軍撫州

子中所管三監

舒蘄黃

每歲各認三十萬貫

文獻通考

卷九

錢幣

三

其大小鐵錢令兩淮通行

七年舒蘄守臣皆以鑄錢增羨遷官然淮民爲之大擾光宗紹熙二年詔帥漕司賑糶收破缺鐵錢及私錢明年又降度牒二百道換私鐵錢

臣僚言江北公行以銅錢一準鐵錢四禁之當時銅錢之在江北者自乾道以來悉以鐵錢收換或以會子一貫換錢一貫省其銅錢解赴行在及建康鎮江沿江州軍關津去處委官檢察又於江之南北各置官庫以銅鐵錢交換凡沿江私渡及極邊徑路嚴禁

透漏

紹熙十五年置利州紹熙監鑄錢十萬緡以救錢引地多山林宜炭鐵仍增鑄十五萬緡未行卒減鑄十萬

二十二年嘉州守臣王知遠乞復嘉之豐遠邛之惠民二監鑄小錢

寧宗嘉定元年卽利州鑄當五大錢

三年制司欲盡收舊引又於紹興惠民二監歲鑄共三十萬貫其料竝同當三錢時議者恐其利厚而盜鑄滋多而總所方患引直日低雖盜鑄不禁蓋欲錢輕則引重也

會子 高宗紹興元年因婺州之屯駐有司請椿辦合

文獻通考

卷九

錢幣

三

用錢而舟楫不通錢重難致乃詔戶部造見錢關子付婺州召客人入中執關赴榷貨務請錢有願得榷鹽香貨鈔引者聽於是州縣以關子充糴本未免抑配而榷貨務又止以日納三分之一償之人皆嗟怨

六年二月詔置行在交子務臣僚言朝廷措置見錢關子有司浸失本意改爲交子官無本錢民何以信極論其不可於是罷交子務令榷貨務椿堞見錢印造關子二十九年印給公據關子赴三路總領所淮西湖廣各關子八十萬緡淮東公據四十萬緡自十千至百千凡五等內關子作三年行使公據二年許錢銀中半入納

三十年戶部侍郎錢端禮被旨造會子椿見錢於城內外流轉其合發官錢竝許兌會子赴左藏庫送納明年二月詔會子務隸都襟場正以客旅算請襟鹽香礬等歲以一千萬貫可以陰助稱提不獨特見錢以爲本又非全仰會子以佐國用也

三十二年十二月詔定偽造會子之罰犯人處斬賞錢一千貫如不願

支賞與補進義校尉若徒中及窩藏之家能自告首特與免罪亦支上件賞錢或願補前名目者聽日造

會子監官分押每一萬道解赴戶部覆印當時會紙取於徽池州續造於成都府又造於臨安府會子初止行於兩浙後又詔通行於淮浙湖北京西除亭戶鹽本竝文獻通考卷九錢幣三用見錢外其不通水路去處上供等錢許盡用會子解發其沿流州軍錢會中半民間典賣田宅牛畜車船等加之或全用會子者聽

孝宗隆興元年詔官印會子以隆興尙書戶部官印會子之印爲文更造五百文會又造二百三百文會五年置江州會子務

乾道二年因左司諫陳祐言會子之敝出內庫及南庫銀一百萬兩收之

三年正月度支郎中唐瑑言自紹興三十一年至乾道二年七月共印過會子二千八百餘萬道止乾道二年

十一月十四日以前共支取過一千五百六十餘萬道
除在官司椿管循環外其在民間者有九百八十萬道
自十一月十四日以後措置收換截至三年正月六日
共繳進過一百一十八萬九千餘貫尙有八百餘萬貫
未收大約每月收換不過六七十萬緣諸路綱運依近
指揮並要十分見錢州縣不許民戶輸納會子是致在
外會子往往商賈低價收買輻輳行在所以六務支取
擁并詔給降度牒及諸州助教帖各五千道付權貨務
召人全以會子入納候出賣將盡申取朝廷節續給降
務欲盡收會子也 六月戶部會懷言會子除收還外
文獻通考 卷九 錢幣 三五

有四百九十萬貫在民間乞存畱行使 十二月以民
閒會子有破損者別造五百萬換給他日又詔損會貫
百錢數可照者並作上供錢解發巨室以低價收者坐
罪
四年以取到舊會毀抹截鑿付會子局重造三年立爲
一界界以一千萬貫爲額逐界造新換舊差戶部尙書
會懷同共措置鑄提領措置會子庫印依左藏庫推賞
其將帶經過務場不得收稅蔣芾奏曰此月用會子收
回金銀若會子稍多又出錢銀收之陳俊卿奏曰斂散
抑揚權之在上可以無敝其年四月一日興工印造至

歲終可造一千萬貫措置收換舊會每道收糜費錢二十足零百半之應舊會被損但貫百字存印文可驗者卽與兌換內有假偽將辯驗人吏送所司其監官取朝廷指揮每驗出一貫偽會追究元收兌會子人錢三貫與辯驗人如官吏用心訖事無假偽具姓名推賞自十二月一日始置局收換至明年三月十日終盡絕更不行用

淳熙三年詔第三界四界各展限三年令都襟場會子庫將第四界銅版接續印造會子二百萬赴南庫椿管當時戶部歲入一千二百萬其半爲會子而南庫以金文獻通考

卷九

錢幣

三

銀換收者四百萬流行於外者纔二百萬耳

范成大擘轡錄載虜本無錢惟楊王亮嘗一鑄正隆錢絕不多餘悉用中國舊錢又不欲畱錢於河南效中國楮幣於汴京置局造官會謂之交鈔擬見錢行使而陰收銅錢悉運而北過河卽用錢不用鈔鈔文略曰南京交鈔所準戶部符尚書省批降檢會昨奏南京置局印造一貫至三貫例交鈔許人納錢給鈔南路官私作見錢流轉若赴庫支取卽時給付每貫輸工墨錢一十五文候七年納換別給以七十爲陌偽造者斬賞錢三百千前後有戶部管當令史官交

鈔庫使副書押四圍畫龍鶴有飾

右石湖乾道閒充泛使入金國道汴京有交鈔所載其所見如此其時中國亦以幣權錢然東南之地有會子又有川引淮交湖會而鼓鑄之所亦復不一所以常困錢幣多而賤稱提無策而彼則惟以交鈔行之河南以中國舊錢行之河北似反簡易也元祐閒穎濱使遼回奏事亦言北界別無錢幣惟用中國錢云

光宗紹熙元年詔第七八界會子各展三年臣僚言會子界三年爲限今展至再則爲九年矣何以示信詔造

文獻通考

卷九

錢幣

三

第十界立定年限

寧宗慶元元年詔會子界以三千萬爲額額外更增許執奏不行

嘉定二年臣僚言三界會子數目滋多稱提無策詔封樁庫撥金銀度牒官誥綾紙乳香湊成二十萬添貼臨安府官局收換舊會品搭入納以舊會之二換新會之一而稱提新會最嚴未免苦許肆起根連株逮而苛政出估籍徒流鄉井相望而重刑用假稱提而科數抑配酷吏得志

泉州守臣宋鈞南劍州守臣趙崇亢陳伏皆以稱提

失職鈞降一官崇亢陳處各展二年磨勘自是歲月
扶持民不以信特以畏耳然糴本以楮鹽本以楮百
官之俸給以楮軍士支犒以楮州縣支吾無一而非
楮銅錢以罕見爲寶前日楮積之本皆絕口而不言
矣是宜物價翔騰楮價損折民生憔悴戰士常有不
飽之憂州縣小吏無以養廉爲歎皆楮之弊也楮弊
而錢亦弊昔也以錢重而製楮楮實爲便今也錢乏
而製楮楮實爲病況僞造日滋欲楮之不弊不可得
也且國家建隆之初賦入尙少東征西伐兵饋不絕
於道未嘗藉楮以開國也靖康以來外攘夷狄內立
朝廷左支右吾日不遑暇未嘗藉楮以中興也至於
紹興末年權以濟用至於孝宗謀慮及此未嘗不曲
盡其心焉當時內有三宮之奉外有歲幣之費而造
楮惟恐其多收換惟恐其不盡而或無以示民信也
至於光寧以來造愈多而弊愈甚其所幸者恭儉節
用無土木之妖動靜有常無錫予之泛所以楮雖弊
而有以養其原也

川引 高宗紹興三年六月詔四川自祖宗以來先計
引數封楮本錢常停重錢以權輕券故法不弊中間印
給泛料數多卽將本錢侵用故引法日壞況自張浚開

宣府趙開爲總餉以供糴本以給軍需增引日多莫能
禁止

七年二月川陝副帥吳玠請置銀會於河池五月中書
省言引數已多慮害成法詔止之蓋祖宗時蜀交書放
兩界每界止一百二十餘萬令三界通行爲三千七百
八十餘萬以至於紹興末年積至四千一百四十七萬
餘貫所有鐵錢僅及七十萬貫又以鹽酒等陰爲稱提
是以餉臣王之望亦請添印錢引以救目前不得不爲
朝廷久遠之慮當時詔添印三百萬委之望約度給用
卽止後之望只添印一百萬

文獻通考

卷九

錢幣

五

孝宗隆興二年餉臣趙沂依前指擬添印二百萬

淳熙五年閏六月臣僚言蜀中錢引已增至四千五百
餘萬增而不已必至於不可行乞立定額毋得增添從
之

光宗紹熙二年五月詔川引展界行使

寧宗嘉泰末兩界書放凡五千三百餘萬緡通三界書
放益多矣 開禧末年餉臣陳咸以歲用不足嘗爲小

會卒不能行 嘉定初每緡止直鐵錢四百以下咸乃

出金銀度牒一千三百萬收回半界期以歲終不用然

四川諸州去總所遠者千數百里期限已逼受給之際

吏復爲姦於是商賈不行民皆嗟怨一引之直僅售百錢制司乃揭榜除收兌一千三百萬引外三界依舊通行又檄總所取金銀就成都置場收兌民心稍定自後引直五百鐵錢有奇若關外用銅錢引直百七十錢而已

嘉定三年春制總司收兌九十一界二千九百餘萬緡其千二百萬緡以楛馬司羨餘錢及制司空名官告總所椿管金銀度牒對鑿餘以九十三界錢引收兌又造九十四界錢引五百餘萬緡以收前宣撫程松所增之數應民間輸納者每引百帖八千其金銀品搭率用新

文獻通考

卷九

錢幣

三

引七分金銀三分其金銀品色官稱不無少虧每舊引百帖納二十引蓋自元年三年兩收舊引而引直遂復如故昔高宗因論四川交子最善沈該稱提之說謂官中嘗有錢百萬緡如交子價減卽官用錢自買方得無弊

淮交 紹興末年會子行未有兩淮湖廣之分

乾道元年戶部侍郎林安宅言督府忘費印給會子太多而本錢不足遂致有弊乞別給會子二十萬背印付淮南州軍行使不得越過他路

二年六月詔別印二百三百五百一貫交子三百萬止

於兩淮州縣行使其日前舊會聽對換應入納買賣並
以交子見錢中半如往來不便詔給交子會子各二十
萬付鎮江建康府榷貨務使淮人之過江江南人之渡
淮者皆得對換循環使用然自紹興末年以前銅錢禁
用於淮而易以鐵錢會子既用於淮而易以交子於是
商賈不行淮民以困右司諫陳良祐言莫若如舊從民
便鐵錢已散銅錢已收且令兼行以鐵錢二當銅錢一
交子可以盡罷無疑也上曰朕亦知其不可行只爲武
鋒一軍在彼良祐又奏交子不便詔兩淮郡守漕臣各
條其利害乃謂所降交子數多而銅錢并會子又不過
文獻通考

卷九

錢幣

三

江是致民旅未便詔銅錢并會子依舊過江行使其民
閒交子許作見錢納官應在官交子日下盡數赴行在
左藏庫交納

後又詔銅錢并會子依舊過江行使又詔江南州郡
民間行使淮交者從便至嘉定十五年增印及三百
萬其數日增價亦日損稱提無其術也

湖會 孝宗隆興元年湖廣餉臣王珪言襄陽郢復等
處大軍支請以錢銀品搭令措置於大軍庫堆垛見錢
印造五百并一貫直便會子發赴軍前當見錢流轉於
京西湖北路行使乞鑄勸會子覆印會子印及下江西

湖南漕司根刷舉人落卷及已毀抹襟引故紙應副鈔造會子從之及印造之權既專則印造之數日增且總所所給止行本路而京南水陸要衝商賈必由之地流通不便乃詔總所以印造銅版繳申尚書省又撥襟引及行在會子收換焚毀而總領所謂江陵鄂州商旅輻輳之地每年客販官鹽動以數百萬緡自來難得回貨又湖北會子不許出界多將會子就買襟引回往建康鎮江等處興販今既有行在會子可以通行誰肯就買襟引緣每年帖降引數多若賣不行軍食必關朝廷遂寢其議乃再印給湖北會子二百萬貫收換舊會至嘉文獻通考

卷九

錢幣

三

定十四年詔造湖廣會子三十萬對換破損會自後因仍行之

按錢幣之權當出於上則造錢幣之司當歸於一漢時常令民自鑄錢及武帝則專令上林三官鑄之而天下非三官錢不得行郡國前所鑄錢皆廢銷輸其銅三官然錢以銅鐵鉛錫而成而銅鐵鉛錫般運重難是以歷代多卽阡冶附近之所置監鑄錢亦以錢之直日輕其用日廣不容不多置監冶鑄以供用中興以來始轉而爲楮幣夫錢重而直少則多置監以鑄之可也楮輕而直多則就行

都印造足矣今既有行在會子又有川引淮引湖
會各自印造而其末也收換不行稱提無策何哉
蓋置會子之初意本非即以會爲錢蓋以榷鹽鈔
引之屬視之而暫以權錢耳然鈔引則所直者重
承平時解鹽場四貫八而會子則止於一貫下至
百售一鈔請鹽二百斤
三百二百鈔引只令商人憑以取榷鹽香貨故必
須分路如鹽鈔只可行於陝西未會子則公私
買賣支給無往而不用且自一貫造至二百則是
明以之代見錢矣又況以尺楮而代數斤之銅齋
輕用重千里之遠數萬之緡一夫之力尅日可到
則何必川自川淮自淮湖自湖而使後來或廢或
用號令反覆民聽疑惑乎蓋兩淮荆湖所造朝廷
初意欲暫用而卽廢而不知流落民間便同見緡
所以後來收換生受只得再造遂愈多而愈賤亦
是立法之初講之不詳故也

東萊呂氏曰泉布之設乃是阜通財貨之物權財
貨之所由生者考之於古如管子論禹湯之幣禹
以歷山之金湯以莊山之金皆緣凶年故作幣救
民之饑考之周官司市凡國有凶荒則市無征而
作布又考單穆公諫景王之說古者天災流行於

文獻

通考

卷九

錢幣

三

是量資幣權輕重作幣以救民以管子與周禮單
穆公之論觀夏商之時所以作錢幣權一時之宜
移民通粟者爲救荒而設本非先王財貨之本處
論國用三年耕必有一年之食以三十年通制則
有九年之食以爲財貨之盛三登曰太平王道之
盛也以此知古人論財貨但論九年之積初未嘗
論所藏者數萬千緡何故所謂農桑衣食財貨之
本錢布流通不過權一時之宜而已先有所謂穀
粟泉布之權方有所施若是無本雖積緡至多亦
何補盈虛之數所以三代以前論財賦者皆以穀

文獻通考

卷九

錢幣

三

粟爲本所謂泉布不過權輕重取之於民所以九
貢九賦用錢幣爲賦甚少所謂俸祿亦是頒田制
祿君卿大夫不過以采地爲多寡亦未嘗以錢布
爲祿所以三代之人多地著不爲末作蓋緣錢之
用少如制祿旣以田不以錢制賦又自以穀粟布
帛其閒用錢甚少所以錢之權輕惟凶年饑荒所
以作幣先儒謂金銅無凶年權時作此以通有無
以均多少而已所以三代之前論布泉者甚少到
得漢初有天下尙自有古意王公至佐吏以班職
之高下所謂萬石千石百石亦是以穀粟制祿不

過口算每人所納百餘年尙未以錢布爲重至武帝有事四夷是時國用不足立告緡之法以括責天下自此古意漸失錢幣方重大抵三代以前惟其以穀粟爲本以泉布爲權常不使權勝本所以當時地利旣盡浮游末作之徒少後世此制壞以匹夫之家藏緡千萬與公上爭衡亦是古意浸失故後世貢禹之徒欲全廢此惟以穀帛爲本此又却是見害徵艾矯枉過直之論大抵天下之事所謂經權本末常相爲用權不可勝經末不可勝本若徒見一時游手末作之弊欲盡廢之如此則得

其一不知其二後世如魏文帝當時天下盡不用錢貢禹之論略已施行遂有涇穀薄絹之弊反以天下有用之物爲無用其意本要重穀帛反以輕穀帛天下惟得中適平論最難方其重之太過一切盡用及其廢之太過一切盡不用二者皆不得中然三代以前更不得而考自漢至隋其泉布更易雖不可知要知五銖之錢最爲得中自漢至隋屢更屢易惟五銖之法終不可易自唐至五代惟武德時初鑄開元錢最得其平自唐至五代惟開元之法終不可易論者蓋無不以此爲當以此知

數千載前有五銖復有開元最可用何故論太重有所謂直百當千之錢論太輕則有所謂榆莢三銖之錢然而皆不得中惟五銖開元銖兩之多寡鼓鑄之精密相望不可易本朝初用開元爲法其錢皆可以久行自太宗以張齊賢爲江南轉運務欲多鑄錢自此變開元錢法錢雖多其精密俱不及前代本朝張齊賢未變之前所謂太平錢尙自可見齊賢旣變法之後錢雖多然甚薄惡不可用當時務要得多不思大體國家之所以設錢以權輕重本末未嘗取利論財計不精者但以鑄錢所

文獻通考

卷九

錢幣

三

人多爲利殊不知權歸公上鑄錢雖多利之小者權歸公上利之大者南齊孔顛論鑄錢不可以惜銅愛工若不惜銅則鑄錢無利若不得利則私鑄不敢起私鑄不敢起則斂散歸公上鼓鑄權不下分此其利之大者徒徇小利錢便薄惡如此姦民務之皆可以爲錢不出於公上利孔四散乃是以小利失大利南齊孔顛之言乃是不可易之論或者自緣錢薄惡後論者紛紛或是立法以禁惡錢或是以錢爲國賦條目不一皆是不揣其本而齊其末若是上之人不惜銅愛工使姦民無利乃是

國家之大利泉布之法總而論之如周如秦如漢
五銖如唐開元其規或可以爲式此是錢之正若
一時之所鑄如劉備鑄大錢以足軍市之財第五
琦鑄乾元錢此是錢之權也如漢武帝以鹿皮爲
幣王莽以龜貝爲幣此是錢之蠹也或見財貨之
多欲得廢錢或見財貨之少欲得鼓鑄皆一時矯
枉之論不可通行者也若是權一時之宜如寇瑊
之在蜀創置交子此一時舉偏救弊之政亦非錢
布經久可行之制交子行之於蜀則可於他利害
大段不同何故蜀用鐵錢其大者以二十五斤爲
一千其中者以十三斤爲一千行旅賚持不便故
當時之券會生於鐵錢不便緣輕重之推移不可
以挾持交子之法出於民之所自爲託之於官所
以可行鐵錢不便交子即便今則銅錢稍輕行旅
非不可挾持欲行楮幣銅錢却便楮券不便昔者
之便今日之不便議者欲以楮幣公行參之於蜀
之法自可以相依而行要非經久之制今日之所
以爲楮券又欲爲鐵錢其原在於錢少或銷爲銅
器或邊鄙滲漏或藏於富室今則所論利害甚悉
財利之用在於貿易孔顛之論宜不惜銅愛工不

計多寡此最的當推本論之錢之爲物饑不可食寒不可衣至於百工之事皆資以爲生不可缺者若是地力既盡穀帛有餘山澤之藏咸得其利錢雖少不過錢重錢雖重彼此相權國家之利亦孔顛之論要當尋古義識經權然後可也

水心葉氏曰錢之利害有數說古者因物權之以錢後世因錢權之以物錢幣之所起起於商賈通行四方交至遠近之制物不可以自行故以金錢行之然三代之世用錢至少自秦漢以後浸多至於今日非錢不行三代以前所以錢極少者當時

文獻通考

卷九

錢幣

三

民有常業一家之用自穀米布帛蔬菜魚肉皆因其力以自致計其待錢而具者無幾止是商賈之貿遷與朝廷所以權天下之物然後賴錢幣之用如李惺平糴法計民一歲用錢只一千以上是時已爲多矣蓋三代時尚不及此土地所宜人力所食非穀粟則布帛與夫民之所自致者皆無待於金錢而民安本著業金錢亦爲無用故用之至少所用之數以歲計之亦是臨時立法制其多少後世不然百物皆由錢起故因錢制物布帛則有丈尺之數穀粟有斛斗之數其他凡世間飲食資生

之具皆從錢起銖兩多少貴賤輕重皆由錢而制
上自朝廷之運用下自民間輸貢州縣委藏商賈
貿易皆主於錢故後世用錢百倍於前然而三代
不得不少後世不得不多何者三代各斷其國以
自治一國之物自足以供一國之用非是天下通
行不可闕之物亦不至費心力以營之上又明立
禁戒不要使天下窮力遠須故書曰惟土物愛厥
心臧老子曰致治之極民甘其食美其服樂其俗
鄰國相望雞犬之聲相聞民至老死不相往來其
無所用錢如此安得不少後世天下旣爲一國雖

文獻通考

卷九

錢幣

三

有州縣異名而無秦越不相知之患臂指如一天
下之民安得不交通於四方則商賈往來南北互
致又多於前世金錢安得不多古者以玉爲服飾
以龜爲寶以金銀爲幣錢只處其一朝廷大用度
大賜予則是金盡用黃金旣以玉爲服飾玉是質
重之物以之爲飾過於金珠遠矣漢世猶用金銀
爲幣宣元以後金幣始盡王莽欲復古制分三等
幣後不復行至東漢以後黃金最少又緣佛老之
教盛行費爲土木之飾故金銀不復爲幣反皆以
爲器用服玩之具玉自此亦益少服飾却用金銀

故幣始專用錢所以後世錢多此數者皆錢之所由多用錢既多制度不一輕重大小厚薄皆隨時變易至唐以開元錢爲準始得輕重之中古錢極輕今三代錢已無如漢五銖半兩其在者尤輕薄不可用蓋古者以錢爲下幣爲其輕易後世以錢爲重幣則五銖半兩之類宜不可用然太重則不可行所以開元爲輕重之中唐鑄此錢漫衍天下至今猶多有之然唐世無錢尤甚宋朝則無時不鼓鑄以開元錢爲準如太平天禧錢又過於開元仁宗以前如太平錢最好自熙寧以後不甚佳國

文獻通考

卷九

錢幣

四

初惟要錢好不計工費後世惟欲其富往往減工縮費所以錢稍惡若乾道紹興錢又不及熙豐遠矣然而唐世所以惡錢多正以朝廷不禁民之自鑄要之利權當歸於上豈可與民共之如劉秩之論與賈誼相似當漢文帝欲以恭儉致昇平謂天下無用錢處故不復收其權柄使吳鄧錢得布天下吳王用之卒亂東南唐以開元天寶以後天下苦於用兵朝廷急於興利一向務多錢以濟急如棊酒鹽鐵等末利旣興故自肅代以來漸漸以末利征天下反求錢於民間上下相征則雖私家用

度亦非錢不行天下之物隱沒不見而通行於世者惟錢耳夫古今之變世數之易物之輕重貨之貴賤其間送往迭來不可逆知然錢貨至神之物無留藏積蓄之道惟通融流轉方見其功用今世富人既務藏錢而朝廷亦盡征天下錢入於王府已入者不使之出乃立楮於外以待之不知錢以通行天下爲利錢雖積之甚多與他物何異人不究其本原但以錢爲少只當用楮楮行而錢益少故不惟物不可得而見而錢亦將不可得而見然自古今之弊相續至於今日事極則變物變則反必須更有作新之道但未知其法當如何變得其決不可易者廢交子然後可使所藏之錢復出若夫富強之道在於物多物多則賤賤則錢貴錢貴然後輕重可權交易可通今世錢至賤錢賤由乎物少其變通之道非聖人不能也

文獻通考

卷九

錢幣

聖



